

陸放翁全集

劍南詩稿

冊五



線

845.23

543

25

v. 15

舊籍

劍南詩稿目錄

卷第七十三

秋日村舍二首

村遊

吳歌

秋感二首

紹興辛未至丙子六年間予年方壯每遇重九

多與一時名士登高於戴山宇泰閣距開禧丁

卯六十年憂患契闊何所不有追數同遊諸公

乃無一人在者而予猶強健慘愴不能已賦詩

識之

結茅

老健

幽居

即事

二首

秋晚

書感

小市莫歸

寓歎二首

題僧菴

哭

季長二首

魔境作頗思遠適

賦此自遣

枕

上讀齋詩

北窗

小圃醉中作

秋冬之

交雜賦六首

海山

飲村酒

觀諸將除書

捫腹

醉歌

自歎

村翁

不寐

書志

東偏紙閣初成

小豎醉

雜興四首

示

兒孫輩

雜賦六首

幽居

連日作陰頗有

雨雪意

山房

梅市莫歸

法雲寺

郊居

作雪不成獨詠 聞雁 泛舟至蜻蜓浦小
泊漁村 散策門外隣叟怪其瘦 書警二首

園中

冬晴行園中二首

懷青城舊遊

晚立

志喜

窮居

冬暖園中萱艸蒼然海

棠亦著花可愛作路浚井皆近事也

卽事示

兒輩

小雨頗寒

題舍壁二首

仲冬書事

醉舞

思蜀二首

次韻李季章參政哭其

夫人七首

試筆

屠希筆

寒夜吟

記夢

霜夜二首

歲莫

與野人散策門外

十

一月十一日夜聞雨聲

自述二首

歲莫老

懷 書況

503
25
V.15

劍南詩稿卷之三十三

宋陸游務觀

秋日村人

會稽城南古

柳暖日暉暉

羣策忠誠所

又

川雲慘慘欲

車蟹壯兩螯

降語兒孫力稼供賦租千年萬年報明主

村遊

閉戶苦無膠行行不覺遙人稀廢古井水退築新橋


野店聽山雨僧厨餽藥苗湖中有高士折簡恐難招

吳歌

于肥一本可專
偕廟廟禱祠神

寒風蕭蕭凋櫟
早復道公車納
竹帛

國家圖書館



002452245

101311963

勝負兩蝸角榮枯一蟻窠人情苦翻覆吾意久蹉跎
困睫憑茶醒衰顏賴酒酡坐人能聽否試爲若吳歌

秋感

扶杖龍鍾迫耄期江湖木落更堪悲醉中光景似得
志夢裏朋儕如少時落筆龍蛇仲蒙帖芮國器一字仲
蒙滿懷風月季長詩前朝名勝凋零盡百歲關心只
自知

又

聖世優容許乞身歸來猶幸齒齊民漁家那有懸車
地蔬食何施祝鯁人獠婢臨溪漂衣絮蠻童掃葉續
炊薪生涯如此仍秋莫賴是從來慣處貧

紹興辛未至丙子六年間予年方壯每遇重九
多與一時名士登高於戴山宇泰閣距開禧丁
卯六十年憂患契闊何所不有追數同遊諸公
乃無一人在者而予猶強健慘愴不能已賦詩

識之

故里登高接雋遊卽今不計幾番秋一樽尚與菊花
醉萬事不禁江水流薄命雖多死閨巷逢時亦有至
公侯若論耄歲朱顏在窮達皆當輸一籌

結茅

結茆湖曲兩三間客少柴荆盡日關插架圖書娛晚
莫滿灘鷗鷺伴清閑壁龕吳晉千年字 斷地得吳永安
晉太康中古甌 窗納綦稽萬疊山自怪堅頑推不倒時
來臨水照蒼顏

老健

年垂九十身猶健竹屋荆扉不厭低挈榼自沽深巷
酒擁衾遙聽別村雞家添豚柵還堪賦路認牛欄每
不迷惟恨窮秋開霽少晚來小雨又成泥

幽居卽事

壯歲本亡奇頽齡又及斯極知身有幾惟是醉相宜
燒艸温新犢編籬護伏雌謀生未忘念笑語路傍兒
又

晚日照茅茨西風吹接羅貧思止酒易老悔養丹遲
斷地秋畦藥焚香夜撲著呼兒具舟楫吾欲上湘漓

秋晚書感

犧象初心豈願才溝中雖斷不須哀吾生自信雲舒
卷客態誰論燕去來夕露正看沾艸棘晨霜已見落
楸槐耄年閉戶真無憾葑火更闌熟芋魁

小市莫歸

愛酒行行訪市酤醉中亦有穉孫扶林梢殘葉吹都
盡煙際孤舟遠欲無野餉每思羹苜蓿旅炊猶得飯
雕胡青山在眼何時到堪歎年來病滿軀

寓歎

日夕羊牛下月明烏鵲飛林林皆有託貿貿獨安歸
疾瘡方求藥秋高未製衣岷峨不遂隱更恨昔謀非
又

交世非初志謀生又絕躡家貧思辟穀人思悔知書
門異回軒巷乘無秃尾驢老頑君勿怪萬事有乘除

又
短髮不禁搔，紆悲賴濁醪。潦收溪瀨急，木落寺樓高。
善飯餘何欠，看雲亦足豪。今朝有奇事，江浦得霜螯。

題僧菴

細路穿雲塢，危橋渡野塘。人稀土花碧，屋老瓦松長。
憂患雙蓬鬢，裝資一布囊。燒薪藉餘暖，今夜有新霜。

哭季長

岷山剡曲各天涯，死籍前時偶脫遺。三徑就荒俱已老，一樽相屬永無期。寢門哀慟今何及，泉壤從遊後不疑。邂逅子孫能記此，交情應似兩翁時。

又

我荷鋤時君賜環，君歸我復造清班。無由促席暫握手，每得寄聲聊解顏。造物不令成老伴，著書猶喜在名山。
季長晚著書數百卷，半年僅得陳尊鯽。白首臨風涕自潸。

魔境作頗思遠，適賦此自遣。

夜夜燃燈日一日香修行老尚墮微茫齋居自許塵心
盡遇事方知業力强兩屨生雲入灩澦孤舟載月上
瀟湘道人行行李君毋笑惟是著筒與藥囊

枕上

窗紙蕭蕭印月痕數聲新雁過江村孤愁不與夢俱
斷羸老豈知身尚存世事萬端歸蠹簡秋風百感集
清樽荷鋤家圃知何憾猶勝生求入玉門

讀幽詩

我讀幽風七月篇聖賢事事在陳編豈惟王業方興
日要是淳風未散前屈宋遺音今尚絕咸韶古奏更
誰傳吾曹所學非章句白髮青燈一泫然

北窗

半世蟬嘶坐北窗老年依舊守殘缸買書安得黃金
百覓句如求白壁雙老氣尚思吞夢澤壯遊曾是釣
巴江寒生事業秋毫盡筆力終慚鼎可扛

小圃醉中作

搖落園林探借春，耄期詩酒肯輸人。狂時湖海猶嫌
走達處，義農亦未淳。木葉蔽身如盛服，藜羹加糝卽
常珍。巢由尚隱唐虞代，漫道桃源是避秦。

秋冬之交雜賦

蓬戶終年閉，靈臺一事無。貧猶能自活，衰未藉人扶。
兒學無畝異，孫啼有啓呱。東隣麴道士，折簡也能呼。

又

霽日收殘靄，微霜作早寒。桐凋無宿葉，水退出新灘。
室小纔容膝，門低每觸冠。平生只此是，何物動憂端。

又

避俗嫌林淺，安貧覺屋寬。地爐燒葑火，土榻藉蒲團。
稚子誇藜糝，高僧輟芋殘。霜寒固難出，不怕笑蹒跚。

又

嶺下晨炊黍，津頭莫繫船。寒潮吞別浦，老木慘蒼煙。
市徙新山步，耕侵古廟堦。閑人不蓄憤，散髮醉江天。

又

霧雨林塘晚風霜聚落寒衣冠存簡朴農圃備艱難
春簾麪供餌蒸炊豆作團此心如古井無地起濤瀾

又

碓舍臨寒水漁舟弄夕霏烏將九子過雉挾兩雌飛
浮世萍無蒂流年弩發機常思南鄭日縣驛跨驪歸
漢中西縣村落下臨讓水景物頗似吾鄉

海山

補落迦山訪舊遊菴摩勒果隘中州秋濤無際明人
眼更作津亭半日留

飲村酒

湘浦騷人詠啜滴黃州飲溼又增奇紛紛坐客評清
濁我已昏然睡不知

觀諸將除書

百鍊剛非繞指柔貂蟬要是出兜鍪得官若使皆齊
虜對泣何疑効楚囚

捫腹

身如椰子腹瓠壺三畝荒園常荷鋤箸萬卷書雖不足容數百人還有餘

醉歌

却日莫揮戈君當聽我歌
花殘狂有限酒熟悶無多
生理憑長鏡幽情寄短蓑
江湖秋萬里未死且婆娑
自歎

村翁

不入城門三歲餘亦無車馬過
吾廬食常羹芋已忘
肉年迫蓋棺猶愛書處處叩門尋
醉叟時時臨水看
遊魚半生名宦終何得作箇村翁計未疎

不寐

一竿江渚寄沉冥衰疾侵凌失鬢青
困睫日中常欲
閉夜闌枕上却惺惺

書志

平生不喜作鵬搏常伴寒螿語夜闌一椀淖糜支日
過數椽破屋著身寬衰殘雖已歎垂白憂患未容侵
渥丹後五百年吾話在笑君虛坐幾蒲團

東偏紙閣初成

蚍蜉占雨解移穴蟋蟀畏寒先近牀我亦聯屏爲燠
室一冬省火又宜香

小豎醉

漫道樽中酒不空歌呼誰解和衰翁可憐小豎如揉
攫却有平陽吏舍風

雜興

寸陰可惜子所知尺宅治生今未遲虛費年光作閑
事人間信有白頭癡

又

堯舜桀紂皆腐骨王侯螻螻同丘墟麥苗覆塊鳩喚

雨常恨無人同荷鋤

又

一春妍暖無多日八十康強有幾人學不名家空自苦路邊醉倒却關身

又

詩人肝肺困雕鐫往往壽非金石堅我獨適情無傑句化工不忌遺長年

示兒孫輩

昔忝諸生後初非一世豪但希卿有秩敢望郡功曹歛版寧爲辱扶犁亦足高兒孫勿妄想底處不徒勞

雜賦

養疾清溪曲風林幾著霜細書如助嬾薄酒不成狂老歎朋儕盡閑知歲月長柴門偶一出倚杖立斜陽

又

孤學違流俗危機歷畏途逢人增懍愴看鏡失膚腴閉戶書圍坐移燈影向隅空懷四方志泯默死東吳

又

家業貧原憲年齡老伏生但悲鸞獨舞那羨雁能鳴

釀酒秋常醉驅牛夜亦耕此身當自貴勿用作投瓊

又

貴固不如賤狂應未勝癡閉門真已矣命駕欲何之
碧縷生香袖清漪漲硯池是中有佳處不覺晝陰移

又

海上魚鹽聚煙中雞犬聲耕農叱牛去醉叟策驢行
斂薄民差樂烽消盜略平悠然憩松下我亦有幽情

又

櫛髮晨興後寬腰午餉餘講明窮理學讎校養生書
倚杖聽啼鳥臨池看戲魚怡然又終日底事解愁予

幽居

人間歲月苦駸駸白首幽居不厭深
懶愛舉杯成美睡靜嫌對奕動機心
山村野渡雙芒屨夜雪晨霜一布衾
不到匡廬三十載夢攜巾鉢上東林

連田作陰頗有雨雪意

十分曆日過八九徂歲迫人殊可驚
霜木蕭蕭臨古

道雪雲慘慘冒高城山頭禁雀無生意水面飢鳶有
墮聲剩壓新醅供旨蓄從今次第問春耕

山房

四紀移家剡曲傍自茨生艸作山房寒侵夜艾知霜
重行遍天涯覺夢長戒婢無勞事釵澤課奴相率補
陂塘無衣已免幽人歎數箔春蠶歲有常

梅市莫歸

老境惟閉門不與事物接時逢佳山水尚復快登涉
山程策小蹇水泛搖短楫今茲稅駕地佳事喜稠疊
雲生溼行膝風細掠醉頰旅羹芼玉糝僧飯敷白氈
葑火煨芋魁瓦甑炊豆莢經行出幽圃懷抱頗自愜
枯籬絡丹竇深澗堆黃葉白雲橫谷口綠篠穿山脇
還家寧迫莫取路羞徑捷何當倚蒲龕一坐十小劫

法雲寺

法雲古蘭若西走奏錢塘路帆影梅市橋人語柯山
聚吾家昔爲隣來往無晨莫十世二百年散徙非復

故修廊與廣殿亦已化煙霧經營久不倦大體始略
具鐘魚以時鳴軒檻有幽趣中庭掃蕪穢斷碣起顛
仆老我絕世緣隨身惟兩屨願言治北窗寂寞同子
住

郊居

郊居本宴如觸事自多感況當搖落時雲重天慘慘
路窮非通途地偏無遠覽殘蕪連古道槁葉滿幽坎
老來厭了了萬事付黠闇地爐熾生柴喚客烹薺糝

作雪不成獨詠

淡日朝穿霧濃雲夜護霜風聲空浩蕩雪意愈微茫
斐几閑臨帖銅爐靜炷香悠然踐殘歲不是傲羲皇
聞雁

蜻蜓浦中聞雁聲寒侵短褐客愁生忽思大散關頭
路雪壓蒙氈夜下程

泛舟至蠓蜒浦小泊漁村

醉泛蜻蜓浦咿啞一艖聲陂塘秋水瘦墟落莫煙生

野店曾留醉樵翁不記名相逢雖惘惘懷抱已先傾
散策門外隣叟怪其瘦

八十衰翁力旣愆強扶藤杖出門前朝晡恃粥何勞
數齒脫牙搖已數年

書警

束帶接一客伸紙報一書未爲甚疲勞已覺不枝梧
惟有袖手坐儼然如齋居尚懼精神衰藥石以自扶
又

情慾雖害人要是自惑溺吾觀日用事飲食真勍敵
乃知七箸間其禍甚衽席堂堂六尺軀勿爲口腹役

園中

殘菊無復花遊蠶抱枯叢我老復多疾寄迹窮巷中
開門無客至安取樽不空夕陽挂高樹此日還忽忽
冬晴行園中

冬溫光景如春妍莫年強健勝壯年手推園門拂石
坐豈暇爲客思無氈殘蕪未死更鬱鬱晚菊欲槁猶

鮮鮮閑愁正得酒彈壓此夕預知當熟眠

又

桔槔灌蔬固已非竹筧澆花宜見譏杏繁梅瘦種性
別一氣生殺均天機細推物理孰不爾搏風未可嘲
卑飛君其置之且共酌白酒方熟黃雞肥

懷青城舊遊

宦途到處不黔突惟有劍南糜歲月屢遊老澤蒼玉
嶂疑是虛皇白銀闕松肪擣麩具晨餐樹葉作衣勝
短褐泥飲不容繁杏落浩歌常送寒蟬沒水邊洞口
適有遇握手一言換凡骨少陵老子未識真欲倚黃
精除白髮

晚立

倦憑小豎立柴門殘角疎鐘欲斷魂傷雁養翎依荻
浦渡牛浮鼻望煙村壯心已覺隨年往孤學何由與
俗論數點雨聲催返舍小窗燈火對壺殮

志喜

雪鬢蕭蕭九十翁，短檠猶喜策新功。
斲輪自得不得傳，處治水本行無事。
中山市兒童隨小蹇，江村煙雨宿孤篷。
更知衰疾從今減，萬里塵清蜀藥通。

窮居

仕宦初何得窮居，半士農清宵。
叔夜鍛平日，伯鸞春馬磨。
猶支日牛衣，亦過冬湖中。
有嘯父何計得相從，湖中隱士月夜棹舟。
其疾如飛，竝湖有聞其嘯歌者。

冬暖園中萱艸蒼然，海棠亦著花。
可愛作路浚井，皆近事也。

暖景變嚴冬，誰知造化功。
少留萱艸綠，探借海棠紅。
築路橫塘北，疏泉小嶺東。
欣然得佳處，忘却歲將窮。
卽事示兒輩

今歲霜遲殊未寒，籬東烏柏葉纔丹。
病輕漸喜免求藥，老甚難誇能據鞍。
隣舍僧貧分米少，酒坊人熟督錢寬。
晚來笑向兒孫說，且得無生一話團。

小雨頗寒

冬温初喜一寒新紙閣博爐養病身殘雨已收猶點
滴斷雲欲散更輪困衣裳可典寧留筍口腹雖饒肯
累人一事明朝差似樂探梅閑岸接羅巾

題舍壁

身寄瓜牛廬手持科斗書尚憎鴛戀棧肯羨鶴乘車
富貴何加我山林亦宴如年來常去殺不歎食無魚

又

艸沒孔明廬塵流倚相書家居四立壁出駕獨轅車
窮達本無擇死生良自如鏡湖三百里處處侶禽魚

仲冬書事

邊頭無警少鈴聲病得新霜亦已平赤腳聽蛩勤夜
績蒼頭租犢待冬耕發奩雙兔駢頭臥溢榼芳醪徹
底清里巷紛紛誇節物春盤讎鼓漸關情

醉舞

渭城朝雨不須歌爛醉江頭舞短蓑自是先生眼根
鈍天狐伎倆本無多

思蜀

白帝城邊入陣磧，青城山下丈人祠。英雄不生僊，又去零落艸間多折碑。

又

蜀莊鳴飛隘九區，超然豈止山澤癯。荒臺古井無處所，行子但覓房公湖。

次韻李季章參政哭其夫人

飛蓋傳呼入省門，依然殘夢浣花村。遙知最是傷心處，衫袂猶霑掃黛痕。

又

焚香黃閣退朝歸，道話時時正要提。九十老翁緣底健，一生強半是單栖。

又

萬里氈車入鳳城，豈知遽已迫斜曛。似聞後院思遺愛，掩淚人人說小君。

又

佛供齋僧冀萬分幽明路絕竟難論若爲可慰重泉
念觸事平心無怨恩

又

煮蒿一去杳難知數紙遺書手自披切勿輕爲歸蜀
夢竹枝忍復聽吾伊

又

害道無如狗愛噴養生尤要嗇精神祝公少置空閨
億天下安危在此身

又

富貴思歸豈坐透岷山種芋已成區獨歸它日公無
憾天際煙帆與石俱

試筆

人間元無第一手萬事端如屈伸肘但能看破卽超
然何代商山無四叟老民自視中何有傾身經營一
杯酒此外管城差可人相從且作明窗友

屠希筆

屠希一筆價必千紹興初載海內傳高皇愛賞登玉
几求書蚤莫常差肩一朝希死子孫弱歲久僅可售
百錢宣城晉陵競聲價外雖甚飾中朽然嗚呼世事
每如此使我太息中夕起

寒夜吟

仕宦孰不願美官無如兩膊聳聳寒可憐誤信紙上
語至死功名心未闌骭髀得倚門矍鑠猶據鞍何如
百年中盡付一漁竿布襦可以度雪夕麥飯可以支
朝餐但知禪龕著身穩莫和詩人行路難

記夢

衣紳飄舉髮颺颺一鶴聊爲太華遊每過名山思小
憩天風浩浩不容留

霜夜

月淡霜清夜漏遲疎鐘杳杳度南陂燈殘有恨欲誰
語雞老無聲如我衰使入蜀川方在道書傳淮浦定
何時若爲可遣閑愁得獨擁寒爐爇豆萁時方附蜀中

便舟寄書張季長家又未得古壽書每關懷

又

土牀紙帳臥幽寂枕上細聽城上更楫拙燒殘地爐
冷嗻咿聲斷天窗明風霜欲透艸茨屋鹽酪不下齋
糝羹猶恨扶犁老無力向來枉是請躬耕

歲莫

歲莫風霜慘村深艸棘稠力衰行每蹇衣薄鼻多鼯
久矣當長往悠然尚小留兒童報炊熟得飽且忘憂

與野人散策門外

春意侵寒律川雲結夕陰閑人了無事隣叟偶相尋
廢沼萍黏塊孤村雀滿林世間真夢耳何物可關心
十一月十一日夜聞雨聲

入冬殊未寒塵土冒原野溝溪但枯萍不聞清湍瀉
今夕復何夕急雨鳴屋瓦豈惟宿麥長分喜到菜把
明朝開衡門想見泥濺蹀豐年儻可期擊壤歌幽雅

自述

怡然氣貌漸還嬰
淡飯麤裘過此生
儘道無方能縮地
夢中夜夜上青城

又

齒脆復牢能咀嚼
足攣漸愈可跣跣
短檠非復衰翁事
且與兒孫共地爐

歲莫老懷

粥美忘流歎
燈孤伴獨吟
衾寒知夜艾
身痛卜天陰
薪炭常憂絕
杯觴不厭深
故人今已矣
三歎有遺音

謂季長也

書況

垂白渭南叟
深居湖上村
貧知蔬食美
閑覺布衣尊
琴譜從僧借
茶經與客論
探梅來直步
沽酒到偏門
細織籠安鶴
頻求果飼猿
舊書編未絕
猶足教諸孫

劍南詩稿卷第七十三終



劍南詩稿目錄
卷第七十四

書道室壁

書志

雪夕

書枕屏四首

二

友

寄五郎兼示十五郎

鄰曲相過

東窗

曉寒

小雪

書感

家釀頗勁戲作

食

薺糝甚美蓋蜀人所謂東坡羹也

雜興四首

幽情

醉歌

霜冷

讀書雜言

東嶺

書戒

書齋壁

雪意

山房

晨起

兩雁

書文稿後

題唐執中書樓

歲晚六首

雀啄粟

老翁

寄子虞

雜詠四首

曉起

折梅

累日濃雲作雪不成遂有春意

晚晴

出行近村閒詠景物

道室戲詠

書感三首

臘月

雪作

卽事

或遺以兩大瓢因寓

物外興

歲未盡前數日偶題長句五首

余

得蘆竹拄杖于舍傍民家似蘆非蘆堅勁輕滑
色如栗玉入手錯然微有聲它杖莫及作五字

唐律記之

八十四吟二首

歲莫六首

書

感 書適

學道

舟中作

得蜀信

送蘇

趙叟赴省試

新春感事八首終篇因以自解

自歎

初春二首 簡傅十八官

開歲愈貧

戲詠

戊辰立春春日二首

早春出遊

春寒


園居

郊行

野望

晨起

午坐



劍南詩稿卷第七十四

宋陸游務觀

書道室壁

餘生天地一飛蓬學道年來似有功習氣掃除空劫
外精神灑雪隱書中種瓜谿父時時見賣藥壺公處
處同莫謂與人緣苦薄相隨拍手有兒童

書志

蓬矢桑弧射四方豈知垂老臥江鄉讀書雖復具雙
眼貯酒其如無別腸疋馬揚鞭遊鄠杜扁舟據櫂止
瀟湘自悲此志俱難遂且復狂歌破夜長

雪效

目視眈眈左耳聾吾衰略與昔人同移燈自看峒嶼
影取酒時澆礪魄胸東郭稍能師順子北山未敢笑
愚公空村雪虐風饕夜袖手悠然政策功

書枕屏

西域兜羅被南番篤耨香慣眠三丈日不識五更霜

又

心若冰將釋貌如兒未孩青城上官叟時入夢中來

又

甘菊縫爲枕疎梅畫作屏改詩眠未穩聞雪醉初醒

又

星斗闌干曉窗屏矐矐明金門與茅店一種是雞聲

二友

剩儲名酒待梅開淨掃虛窗候月來老子幽居得二
友人間萬事信悠哉

寄五郎兼示十五郎

八十九十老可驚白髮森然憎鏡明身當遊岱尚少
駐書欲藏山殊未成大兒爲國戍絕塞季子伴翁親
短檠古人已矣不可作夜闌撫几歎平生

鄰曲相過

鄰曲集山家相看一笑譁
扶行足蹉踣半落齒槎牙
農圃乖生理風霜感歲華
老來情話少更盡此甌茶

東窗

臘近寒何薄秋衣著尚宜
年光祈雪見節物賣燈知
川日初沉後樓鐘欲動時
東窗對兒子相與細論詩
曉寒

落月銜山口濃霜倒菊叢
青氈壓衾暝輭火滿爐紅
起晚書齋課愁多酒策功
杜陵如昔否誰與問征鴻
小雪

簷飛數片雪瓶插一枝梅
童子敲清磬先生入定回
書感

夢裏逢無咎天涯哭季長
吾生亦有幾且復釣滄浪
家釀頗勁戲作

千古英雄骨作塵不如一醉却關身
鼎來雖恨王陵
戇熟味方知孟子醇
試問浩歌遺世事何如酣枕養
天真竹林嵇阮雖名勝要是淵明最可人

食薺糝甚美蓋蜀人所謂東坡羹也

薺糝芳甘妙絕倫
啜來恍若在峨岷
蓴羹下豉知難敵
牛乳枰酥亦未珍
異味頗思修淨供
祕方常惜授厨人
午窗自撫膨臍腹
好住煙村莫厭貧

雜興

鋤草春愈茂
養草秋亦衰
不如兩置之
榮悴渠有時

又

栖雞未旦鳴粒食
固宜報林鳥
何預人嘒嘒
欲誰告

又

碩果墜池響魚隊
散無迹空弦
可落雁此事
蓋自昔

又

滌硯欲其潔
磨鏡欲其明
願君試思之
與己孰重輕

幽情

免歸又破六年閑
每寄幽情煙水間
清鏡不藏新白髮
芳樽猶惜舊朱顏
一編蠹簡心空在
百瓮寒壺債未還
莫爲岷峨勞夢想
故鄉隨分有名山

醉歌

不癡不聾不作翁平生與世馬牛風無材無德癡頑
老爾來對客惟稱好相風使帆第一籌隨風倒柂更
何憂亦不求作佛亦不願封侯亦不須脫裘去換酒
亦不須賣劍來買牛甲第從渠饜梁肉貂蟬本自出
兜鍪燮理陰陽豈不好纔得閑管晴雨如鶉鳩辛苦
築壘拂雲祠不如吟獻風月登高樓爾作楚舞吾齊
謳身安意適死即休

霜冷

梅花消息動江邊漸見新春換故年莫道孤翁心似
鐵夜來霜冷透青氈

讀書雜言

書亦何用於世哉聖人之言如造化巍巍地闢而天
開淵源虞唐至周孔黃河萬里崑崙來天不使諸儒
爲戰國血又不使六藝爲亡秦灰豁如盲瞽見皦日
快若聾聵聞春雷插空秦華起突兀垂天雲漢森昭

回奈何後世獨不省顧捨夷路趨邛邛不知開眼蹈
覆轍乃欲歸罪車輪摧福有基禍有胎一朝產禍吁
可哀

東嶺

雲罅漏斜日駕言東嶺行鴉翻半天黑驚起一川明
小立照溝水欲歸聞角聲君看浮世事何處異棋枰

書戒

我幼事父師熟聞忠厚言治身接物間要使如春溫
鞭朴不可弛此語實少恩但能交相愛餘亦何足論
家貧賴奴婢炊汲與磨門餘力具茗藥夕飯或至昏
有過尚當貰況可使煩冤出任推此心所樂在乎反
寧坐軟弱廢促駕歸丘園吾老死無日作詩遺子孫

書齋壁

煙水雲山千萬重散人名號繼吾宗買雛養就冲霄
鶴拾子栽成偃蓋松父老年年同社酒兒孫世世作
春農晚窗睡覺添幽事臥聽蘭亭古寺鐘

雪意

風吼江郊雪意濃
雲如雨陣決雌雄
山寒酒過平時量
窗黑書虧半日功
閑話更端茶竈熟
清詩分韻地爐紅
不須遽覓華胥路
更俟天花落坐中

山房

何處合題詩
山房病起時
晨光鳥先覺
春信柳偏知
陋學勤何益
虛名悔可追
布衾新絮暖
惟與睡相宜

晨起

勛業文章謝不能
生涯分付一枝藤
身同湘浦孤舟客
心羨廬山下版僧
倦枕厭聞窗外雨
殘膏猶在壁間燈
草芝要及清晨服
深媿蠻童爲扣冰
草芝丹眉山史載之學士方

兩雁

兩雁東西來
合羣以南翔
鏡湖接天台
海闊天茫茫
冥飛遠矰弋
長路諳冰霜
君看此氣象
豈復謀稻粱
正爾下杜陵
已復掠瀟湘
超遙萬里程
燕雀安能量

書文稿後

上蔡牽黃犬丹徒作布衣苦言誰解聽臨禍始知非

題唐執中書樓

吾州唐子他州無閉戶偏讀家藏書志氣頗聞已山
立神仙固自多樓居終日坐忘對燕几有時出遊騎
蹇驢人生如此自可爾勿羨新貴高門閭

歲晚

雲暗郊原雪意稠天公似欲富來麩布衾歲久真如
鐵詎敢私懷一己憂

又

不學空門不學仙端居曾次自超然絳人甲子君休
問新歲吾兒本命年

又

戒殺家庖罷饋魚病脾亦復禁寒蔬莫慚鄰里嘲枯
淡出甑香粳玉不如

又

小岫嶙峋炷寶熏卷書閑對一窗雲雁聲忽向天邊
過起立中庭看斷羣

又

小塢梅開十二三曲塘冰綻水如藍兒童鬪采春盤
料蓼茁芹芽欲滿籃

又

久矣功名不上心亦無心要老山林鹿門采藥悠然
去千載龐公是賞音

雀啄粟

坡頭車敗雀啄粟桑下餉來烏攫肉乘時投隙自謂
才苟得未必爲汝福忍飢蓬蒿固亦難要是少遠彈
謝處老農輟耒爲汝悲豈信江湖有鴻鶴

老翁

老翁睡少知遙夜貧士衾單怯苦寒悶裏不嫌村酒
薄瘦來偏覺舊衣寬籬門遇健時能出書卷乘閑亦
取看深愧野人憐寂莫放鋤相喚共朝餐

寄子虞

人生恨無年我老已爛熟退耕鏡湖上風雨有茅屋
事君闕補報得此不啻足餘年尚幾何孌孌風中燭
大兒戍塞垣馳馬佩矢箠去家千餘里辛苦就微祿
書來續三紙語悲不忍讀通弟在我傍亦復淚溢目
門戶嗟日衰持守賴家督雲雲暗淮天念汝方露宿

雜詠

少日狂疎觸怒嗔每緣憂患喪吾真晚收咄咄書空
手却作騰騰任運人

又

得過一日且一日安知今吾非故吾喪手明窗讀周
易不辜香鉢一齋盂

又

松肪燎火滿爐紅罌粟煎湯到手空試問齋居守丹
竈何如醉臥聽松風

又

舊聞五岳多靈藥晚遇高人得祕文
夢境此身常是客幾時歸臥華山雲

曉起折梅

織女斜河漏已殘長庚配月夜將闌
小橋幽徑無人見折得梅花伴曉寒

累日濃雲作雪不成遂有春意

釀雪經旬竟不成一霜却作十分晴
雲歸岫穴千峯立暝入郊原萬耦耕
菖葉離離豐歲候梅花眷眷故人情
道傍孤店新醅熟已有幽禽一兩聲

晚晴出行近村閑詠景物

雪雲吹盡木陰移正是先生曳杖時
老特行將新長犢空桑臥出寄生枝
醫翁莫過囊探藥筮叟晨占手布著
誰謂人間足憂患未妨古俗自熙熙

道室戲詠

道身隱太華壯歲客青城采藥何辭遠
燒丹久未成傅生已醉死韓子得狂名
猶有殘詩在他年遺後生

書感

人生百憂坐一官況與羣飛接羽翰兩具吳牛給畊足三間茅屋著身寬君煮蒿悽愴會不免簡儉寂默差可安康莊坦坦不整駕可憐平地生濤瀾

又

舞非得譜拍拍錯行未知津步步危劫石消磨會當盡太行突兀乃可移清晨瓦釜煮藜粥遙夜地爐燒豆萁此中正自有佳處區區外慕寧非癡

又

茅檐住穩勝華屋芋糝味甘如大烹靜觀萬事付一默掃空白髮非黃精丈人祠西鶴傳信小姑山前鼉報更興闌却揮短棹去曉渡清伊聽玉笙

臘月

今冬少霜雪臘月厭重裘漸動園林興頓寬薪炭憂山陂泉脈活村市柳枝柔春甦吾何患嘉蔬日可求

雪作

今年冬暝異常時造物收功乃爾奇平野忽看吹雪
片清池俄復結冰澌飛蝗掃地無遺種瑞麥連雲有
兩岐想見市樓增酒價深居袖手歎吾衰

卽事

雲本無心木不材平生得喪信悠哉釣魚每過桐江
宿賣藥新從剡縣回山圍萬蔓晨灌溉地爐芋栗夜
香張人情萬變吾何預笑口何妨處處開

非枯悠然但覓高樓醉何處人間無酒徒

歲未盡前數日偶題長句

老向人間迹轉孤參差煙火出蒹葭
蠶一幼瀟泉手自齏穀賤窺籬無狗盜
夜長爇足有
狸奴歲闌更喜人強健
小草書成鬱壘符

又

短褐蕭蕭一幅巾，明時乞與水雲身。平生不售屠龍技，投老真爲種菜人。釜粥芬香餉鄰父，闌豬豐脂祭家神。聯翩節物驚人眼，儼鼓停槌又見春。臘月八日以粥相餽，北俗也。蜀人豢豬供祭，謂之歲豬。

又

枱欄小弁野人裝，八十二年舊話長。真笑形骸無藉在，本知生世不牢強。茅檐啼鳥初相命，煙渚歸鴻漸著行。想得城中盛冠蓋，家家來往薦椒觴。

又

風號四野雲如墨，徂歲消磨不滿旬。瑞雪便應平地尺，野梅又報一年春。長河斷渡冰將合，古寺題詩手爲皴。僵臥閉門行路絕，安知今代獨無人。

又

漸近新年日愈長，不辭扶病舉椒觴。了無一事干靈府，只合終身住醉鄉。鬪釘春盤兒女喜，擣篴臘藥婢奴忙。蜀州白首猶癡絕，更爲梅花賦斷腸。

余得蘆竹拄杖于舍傍民家似蘆非蘆堅勁輕
滑色如栗玉入手錯然微有聲它杖莫及作五
字唐律記之

輕堅蘆竹杖入用自龜堂挺節冰霜後論交歲月長
心空無寵辱時異有行藏老病登臨少何妨日倚床
八十四吟

新歲八十四自宜形影孤睡憑書攢相愁賴酒枝梧
兒問離騷字僧傳本草圖孰言生計薄種芋已成區

又

七十人稀到吾過十四年交遊無輩行懷抱有曾玄
飲敵騎鯨客行追縮地仙城南春事動小蹇又翩翩
歲莫

書房偷得蝸廬樣僅僅能容老病身紙被蒙頭方坐
穩却愁轉眼又新春

又

淺色染成官柳絲水沉熏透野梅枝客來莫怪逢迎

懶正伴曾孫竹馬嬉

又

挹泉石鼎煎崖蜜候火銅爐炷海沉一坐便應論十劫不知歲月去駸駸

又

久衰豈是見人時健忘偏于養性宜噉飯著衣常苦懶爲誰欲理一團絲

又

燕脂斑出古銅鼎彈子窩深湖石山老去柴門誰復過天教二友伴清閑

又

少慕浮名百種癡老知世事盡兒嬉從今春困不須賣睡到日高二丈時

書感

襁負客淮穎髣髴逢亂離中原遂乖隔北望每傷悲泛渭題新賦遊嵩續舊詩死生雖異世此意未應移

泛湄賦遊嵩詩見白歐二集

書適

細讀養生主長歌歸去來山僧借水品溪父送琴材
病退稀求藥身閑日探梅今宵喜無寐岷下有書回

學道

學道知專氣尊生得養形精神生尺宅虛白集中局
出岫孤雲靜凌霜老栢青晨興取澗水漱齒讀黃庭
舟中作

東浦菰蒲合南莊桑柘繁皆村落名潮生無斷港寺廢
有頽垣糴米尋山步移舟泊水村野人多舊識相對
兩無言

得蜀信

齒髮凋零志氣衰強臨尊酒祇成悲少年半是投閑
日春事常當臥病時憂患頗疑書作祟功名不似老
如期青城舊友頻相約歸養金丹尚未遲

送蘇趙叟赴省試

關路誰非觀國賓此君肝膽獨輪囷故家遺俗欲墜
地博士議郎方要人久矣扁舟弄江月往哉駸馬踏
京塵勅中墨色如鴉溼日待東歸一笑新

新春感事八首終篇因以自解

九陌風和不起塵平湖冰解欲生鱗往來朝莫紛如
蟻得見新春有幾人

又

興來遊衍不辭遙吹帽風輕過畫橋猩血未看開露
蕊麴塵先已上煙條

又

一年最好早春天風日初和未脫縣坎坎圓鞦韆神
社翻翻小繳下湖船

又

憶到葭門正月初竹枝歌舞擁肩輿當時光景應如
昨綠鬢治中八十餘

夔府

又

長桑眼綻來蠶事興稅足了無徵欠吏飯香時有乞齋僧開正父老頻占候已決今年百稼登

又

漠漠春寒罷對棋霏霏春雨却催詩梅花一樹映疎竹茅屋三間圍短籬醉倒幸無官長罵出遊自有老人期年光滿眼吾何憾又近吳蠶浴種時

簡傅十八官

漢孺

朋舊凋零盡新交得雋人文章諧律呂議論足精神甚欲邀聯騎無如困負薪蘭亭脩禊近爲記永和春開歲愈貧戲詠

謝事貧過筮仕初歸裝僅有一柴車笥衣盡典仍耽酒困米無炊尚買書澗底飽觀苗鬱鬱夢中聊喜蝶蘧蘧商山幾許功名事老子如今却笑渠

戊辰立春日

昨夜風搖斗柄回典衣也復一傳盃故人久作天涯別新句空從枕上來清鏡豈堪看鬢色小園剩欲覓

桃栽頽然却恨貪春睡不盡城頭畫角哀

又

臥聽城門出土牛羅旛應笑雪蒙頭但須晨起一卮酒聊洗人間千種愁處處樓臺多俠客家家艇舫待春遊梅花未徧枝南北定爲餘寒得小留

早春出遊

地爐久厭撥寒灰一笑真成病眼開不恨城笳催日落且欣巷柳報春回蹇驢破帽人人看南陌東阡處處來聞道禹祠遊漸盛也謀隨例一持盃

春寒

故歲無多雪新春乃爾寒柴車歸里社茅舍老江干客熟沾醪啜孫癡索飯搏更憐菘芥長殊勝仰園官

園居

欲出還中止微陰却快晴檻花栽盡活籠鳥教初成身寄江湖久心知富貴輕還嬰吾所證手自寫菴名近名小室曰還嬰

郊行

山色掃石黛江流漲麴塵春晴不終日老病動經旬
竹密有啼鳥村深多醉人東阡與南陌處處寄閑身
野望

偶攜一小豎徙倚望南山
舷笛爲誰怨溪雲如我閑
洲長歸雁下天迥莫鴉還
安得一竿去終年煙水間
晨起

日高霜漸釋睡起髮猶蓬
小圃經行外新蔬檢校中
水開聞躍鯉天遠看飛鴻
粥熟還歸舍吾生亦未窮
午坐

茶盃凝細乳香岫起微雲
樹影窗間見禽聲屋角聞
流年易拋擲舊學失鋤耜
師友今零落何人爲運斤

劍南詩稿卷第七十四終

劍南詩稿目錄
卷第七十五

自警

春雨

春寒

自喜二首

簡湖中隱

者

短歌示諸稚

王子猷謂竹爲此君白樂

天謂酒爲此君子野處無客每對竹獨酌得小
詩 會稽行 野飲 作野飲詩後一日復作

此篇反之

春晴二首

遣興二首

開歲屢

作雨不成正月二十六日夜乃得雨明日行家

圃有賦

書屋壁二首

與兒孫同舟泛湖至

西山旁憩酒家遂遊任氏茅菴而歸 日莫自

大匯村歸

八十四吟

晚步至湖上

春陰

題野店壁

題寺壁

題幽居壁二首

思

夔州二首

梅開絕晚有感二首

園中晚飯

示兒子

自詰

野飲

茆亭

身世

家有

兩瓢分貯酒藥出則使一童負之戲賦五字句

禹寺

旅遊二首

貧歎

東窗四首

近

村 石帆山下作 日起二首 書況 閒中

戲賦村落景物二首 予好把酒常以小戶爲

苦戲述 春日對花有感 出遊遇雨而返二

首 記閒 二感 題柴言山水四首 草亭

獨坐 修居室賦詩自警 遯迹 春晴登小

臺 魯墟舟中作 貧病戲書二首 又作二

首自解 挾書一卷至湖上戲作 謝客相過

書幸 書歎 古興二首各五韻 病中有

述二首各五韻 黃鴉吟 恩封渭南伯唐詩

人趙嘏爲渭南尉當時謂之趙渭南後來將以

予爲陸渭南乎戲作長句 幽居 肩輿至湖

桑埭 半俸自戊辰二月置不復言作絕句二

首 頭風戲作 茆齋 畊桑 春遊四首

蔬飯 海棠歌 園中作 書意三首 晚春

二首

劍南詩稿卷第七十五

宋陸游務觀

自警

生世如夢境淹速無定時少壯不可恃況汝迫耄期
五官及百骸自揣日益衰客來能送迎要是強支持
百口皆新人所至無舊知紹興同朝者掃地靡復遺
雖云窮耐久造物豈汝私餘日真幾何得酒且伸眉

春雨

春陰不肯晴春雨斷人行慘澹柴荆色蕭條雞犬聲
香分豆子粥美啜芋魁羹猶勝梁州路蒙氈夜下程

春寒

冉冉年華過上元梅花如雪照江村雲歸翠竇初收
雨人怕清寒懶出門香燼已殘爐未冷客談方劇酒
重溫尚嫌塵境妨幽致過埭船聲莫正喧湖桑埭去弊

廬里許

自喜

了了復惺惺著龜未是靈閑中有富貴壽外更康寧
身備鄉三老家傳子一經春回元不記出戶四山青

又

身寄人間世心常古鏡如喚醒狂蝶夢掃盡老狐書
年出鄉閭右貧過仕宦初村村是桃李豈獨愛吾廬

簡湖中隱者

夫子終年醉不醒若爲問我故丁寧書因遣僕馱黃
蘗詩許登山斲茯苓疇昔但知悲驥老卽今誰不羨
鴻冥清宵定許敲門否擬問黃庭兩卷經

短歌示諸稚

流年去不還老狀來無那雖甚顏原貧尚勝夷齊餓
再歸又六年疲馬欣解馱姑幸箠轡空敢復希豆莖
好山懶出遊敗屋得偃臥飢能儲粟盜病亦有藥裹
酒蟻溢罈罌茗雪落小甌香火失情偷編簡謹程課

豈惟先幻妄亦以起衰懦向來名宦事回首如棄唾
義理開諸孫閔閔待其大賢愚未易知尚冀得一個
如其盡爲農亦未可吊賀歸耕豈不佳努力求寡過
王子猷謂竹爲此君白樂天謂酒爲此君余野
處無客每對竹獨酌得小詩
新種疎篁對小軒旋沽薄酒實空尊門無車轍亦何
恨有此兩君堪與言

會稽行

我欲遊蓬壺安得身插羽我欲隱嵩華歎息非吾土
會稽多名山開跡自往古豈惟頌刻秦乃有廟祀禹
山形舞鸞鳳泉脈流湮乳家家富水竹處處生蘭杜
方舟泛曹娥健席拂天姥朱樓入煙霄白塔臨雲雨
脩梁看龍化遺箭遺鶴取茶芽可作經楊梅亦箸譜
湖蓴山蕨輩一一難遽數終年遊不厭冰玉生肺腑
誦詩有樵童乞字到俚嫗況復青青衿盛不減鄒魯
古詩二千篇安知闕吳楚土風聊補亡吾言豈夸詡

土潤觀鋤藥燈清論養真桃源處處有不獨武陵人

又

鳥道經行穩巢居臥起寬鹿衣栽短褐龜屋製危冠
舊慕嵇中散今師靖長官蛟龍雲雨上未必勝泥蟠

與兒孫同舟泛湖至西山旁憩酒家遂遊任氏
茅菴而歸

過埭維舟古柳根却扶拄杖入煙村印泥接迹牛羊
過投宿爭林鳥雀喧酒保殷勤邀淪茗道翁偃僂出
迎門郊居不與人間事惟有畊桑得細論

日莫自大匯村歸

筍輿伊軋莫山昏水敗陂塘路僅存出谷鐘聲知過
寺隔林人語喜逢村廟壩荒寂新犁地堤草淒迷舊
燒痕兒子念翁霜露冷遙持炬火出柴門

八十四吟

八十仍逾四遲留未告行筮言災退散醫賀脈和平
畊牧猶能力癡頑每自驚所嗟經學廢心媿濟南生

晚步至湖上

柴車無與駕篷艇亦須人賴有拄杖子能扶羸病身
雲山翠屏合煙月玉鈎新蕭散湖塘路微風吹葛巾
春陰

窗昏不見字今日罷觀書迹寄浮生內心遊曠劫初
太山均蟻垤聖域亦蘧廬兀坐還成倦荒畦去荷鋤

題野店壁

斷稿投衣橐殘壺挂馬鞍寺荒尋店久橋敗涉溪寒
道里逢人問題名拂壁看平生慣行役隨處得加餐
題寺壁

菴居渾似罷參僧除却癡憨百不能意倦有時憑曲
几興來隨處曳枯藤雲山直去寧須伴蘚磴高攀不
計層聞道鼉鳴天欲雨松門小住看雲興

題幽居壁

青山四抱路盤紆天與先生卜草廬雲冷數聲聞斷
雁溪清百尺見遊魚新醪薄薄閑尋醉殘髮蕭蕭悶

憶梳莫謂躬耕便無事百年京洛尚丘墟

又

聲利場中偶解圍悠然高枕謝招揮山前曳杖尋僧
去林下收棋送客歸城市氛埃那許到比鄰煙火自
相依纓冠束帶前身事散髮今惟勃落衣

思夔州

老來百念盡消磨無奈雲安入夢何壯憶公孫劍器
舞愁思賓客竹枝歌

又

武侯八陣孫吳法工部十詩韶護音遺磧故祠春草
台略無人解兩公心

梅開絕晚有感

年年踏雪探梅開二月今年始見梅從此逢春心轉
嬾小詩不擬覓花栽

又

尋梅不負雪中期醉倒猶須插一枝莫諱衰遲殺風

景卷中今歲欠梅詩

園中晚飯示兒子

一飽何心慕萬鍾小園父子自相從
蚍蜉布陣雨將作蛺蝶成團春已濃
澗底束薪供晚爨街頭糴米續晨春
盤餐莫恨無兼味自繞荒畦摘芥菘

自詰

修行力量淺觸事常寡悰端居本無事
奈此百憂攻今晨默自詰世豈不汝容
漱濯臨清流獻歌蔭長松緩步有夷途
遠眺多奇峯野叟時相尋村酒亦自釀
于道忽少進一掃芥蒂胸轅釜本常情
寧說飯後鐘

野飲

農事未興思一笑春薺可采魚可釣
霏霏小雨忽已晴堤上相攜踏殘照
村場酒薄亦有力把釀相娛不辭醺
眼花耳熱言語多霍然已醒如過燒
人生百年會有盡世事萬變誰能料
酒空人散寂無聲爲君試作蘇門嘯

又

俗事紛紛意不攄兀如頭垢念爬梳東窗且復焚香
坐閑看微雲自卷舒

又

寂寂東窗午夢殘更堪春雨作春寒蠻童未報煎茶
熟一卷南華枕上看

近村

家居每思出出亦無與遊江山豈不佳乃復生我愁
不如適近村家家業農疇深巷鳴雞犬長陂下羊牛
棗熟稻當穫桑落酒可篋寧無賓祭須柿栗良易求
醫翁日過門得藥疾自瘳婚嫁不出村百世加綢繆
我來每絕歎恨不終歲留人生正應爾底事須王侯

石帆山下作

石帆山下古苔磯回首人間萬事非能飲上池何患
死不營尺宅欲安歸寒龜瑟縮搯床老倦鶴翩遷帶

雨更煩蒼鵲報新晴

又

地爐晨起撥寒灰困睫濛濛尚嬾開正倚蒲團覓殘
夢一聲啼鳥又驚回

書況

自從請老鏡湖濱萬事不關林下人鴉去鴉歸還過
日花開花落又經春官微也過千重浪身在依然一
幅巾晨突有煙吾事了濁醪不復惱比鄰

閑中戲賦村落景物

遊宦才能薄還山日月長買牛捐寶劍取酒解金章
泉脈疏供啜松肪煉按方北窗貪兀傲南陌喜彷徨
僧過傳著法醫來寄藥囊泛舟經媯廟策蹇上滄塘
嬾似嵇中散癡如顧長康人間須掃迹隨處是羊腸
媯廟滄塘皆湖上地名

又

覆篠初成屋編荆旋作門孤雲生釣瀨微雨過棋軒
柳種來傍縣族子爲取柳本于餘姚茅氏花栽乞近村石
欵聊可坐地福不成園酒榼劒楓瘦香爐斷竹根海
鷗呼可下隴鳥教能言搏飯迎雙鶴聯紹繫小猿山
家雖寂寞隨事有盤飧

予好把酒常以小戶爲苦戲述

我非惡旨酒好飲而不能方其臨觴時直欲舉斗升
若有物制之合龠已不勝豈獨觀者笑心亦甚自憎
正如疾逆虜憤切常橫膺蹭蹬忽衰老何由効先登
上天無長梯繫日無長繩可歎固非一壯志空飛騰
春日對花有感

天天枝頭花鬱鬱地上草方春萬物遂我乃獨衰槁
少時喜方藥晚亦學黃老又非愛名宦壯歲迹已掃
如何過八十尚復未聞道偃行阡陌間齒搖而髮編
名山可巢居決去恨不早宴坐精思牀猶能養梨棗

出遊遇雨而返
柴門方出雨霏霏未到湖邊促駕歸
深炷爐香掩屏臥誰知不爲溼春衣

又

荒山前頭野水邊東行西行不自憐
天公豈亦哀老子風雨留教終日眠

記閑

白雲堆裏看青山猿鳥爲隣日往還
黃綺後身應我是再來依舊一生閑

二感

狸奴睡被中鼠橫若不聞殘我架上書
禍乃及斯文乾鵠下屋簷鳴噪不待晨
但爲得食計何曾問行人情得暝而安
飢得飽而馴汝計則善矣我憂難具陳
題柴言山水

春
陰陰山木合幽處著柴荆喧中有靜意
水車終日鳴

又

懸水三十仞疾雷聞數里正暑凜生秋倚杖者誰子

夏

又

高秋風雨天幽居詩酒地君看此氣象其可折簡致

秋

又

草亭臨峭絕霜嶂起嶙峋危磴儻可上老夫思卜鄰

冬

草亭獨坐

掃地垂簾坐草亭東風吹頰醉初醒睡蛇死後魔無力疾豎降來藥有靈在手殘梅香淡泊傍檐幽鳥語
丁寧老人不是神通妙世事元來要飽經

修居室賦詩自警

荒園二三畝敗屋八九間初至如逆旅忽逾四十年
屋日已朽蠹我老不自還茅可刈之野木可伐之山

尚復不能具日夜憂其顛況我虛幻身念念隨化遷
齒墮髮亦縞鏡中失朱顏其危甚于屋何恃能牢堅
豐汝梨與棗養汝汞與鉛防疾如待敵愛氣如守關
謀于履霜初懼在橫流前書紳銘席端雖老尚可全

遯迹

遯迹荒村慣忍貧秋毫不使喪其真家居亦以古爲
鑑事過始知天勝人臨食致思方下箸讀書有得每
書紳放翁耄矣當知幸布褐藜羹畢此身

春晴登小臺

不管筇枝破綠苔閑穿萬竹上荒臺幽花經雨自開
落啼鳥喜晴時去來河岸家家裝彩舫兒曹處處唱
青梅誰知老子癡頑甚看改新元十一回

魯墟舟中作

春浦南來元不到畫橈偶復入鷗羣人家遠火林間
見船底微波枕上聞山口正銜初出月渡頭未散欲
歸雲錦囊詩草新寥落得句猶堪寄一欣

貧病戲書

得米還憂無束薪今年真欲甑生塵
椎奴跣婢皆辭去始覺盧仝未苦貧

又

頭痛泫泫齒動搖醫驕折簡不能招
亦知客疾無根柢少健還能起負樵

又作二首自解

盡日溪邊艇子斜治生不種邵平瓜
已分鄰舍紅蓮米更啜僧房紫筍茶

又

靈府安平四體和經時止酒頰常酡
老生要是常談爾吐納餘閑卽按摩

挾書一卷至湖上戲作

買地孤村結草廬蕭然身世落樵漁
一編在手君無怪曾典蓬山四庫書

對客相過

我力日愈衰人事不敢倡窮巷春多泥何以稅客歎
諸君顧何取勤懇問亡恙賦詩代尺書跂望徒悵悵

書幸

土盜常餘菜山庖不絕煙罷醫翻少疾無術自長年
小舫煙波宅閑身陸地仙東窗最佳處日對坐忘編

書歎

髭髦承學紹興前歷看人間七十年撲滿終歸棄道
側鷗夷猶得載車邊釣舫夜泛吳江月醉眼秋看楚
澤天造物未容書鬼錄殘春又藉落花眠

古興二首各五韻

草衰何預人每起徂年悲日月纔幾何又見青青時
青青雖滿眼行矣當復衰盛衰還無端其理可前知
人生死則已千載無還期

又

月出橫林上宿鳥無定枝物生各畏禍所託輒蹈危
老人倚壁坐大齟驚羣兒雖云差自適見事亦太遲

猶有一可喜永謝世俗羈

病中有述二首各五韻

萬事有常理中智皆能知禍福如白黑不待諏蓍龜
疾患初萌芽未有旦夕危每能自省察百鬼安能窺
一怠生百疾速死乃自詒

又

爲國恃久安變起最莫測釋楚爲外懼此實計之得
吾儕學養生事事當自克老無聲色娛戒懼在飲食
要須銘盤盂下箸如對敵

黃鵝吟

嗟哉黃鵝一何陋性喜隱翳藏荒囿煙深翅重飛不
起鳴聲穀穀知雨候夜與妖鵬羣又似惡白晝羽毛
不足辱彈射滋味不足登俎豆捕之旣無用鬻之又
不售譬之人以支離而全木以擁腫而壽若予者智
不能知農圃學不能舉孝秀名不譁世動得嘲詬是
亦天下不材之尤尚何議乎汝後

恩封渭南伯唐詩人趙嘏爲渭南尉當時謂之
趙渭南後來將以予爲陸渭南乎戲作長句

老向人間久倦遊君恩乞與渭川秋虛名定作陳驚
坐好句真慚趙倚樓棧豆十年露病馬煙波萬里著
浮鷗就封他日輕裘去應過三峯處處留

幽居

宿志在人外清心游物初猶輕天上福那習世間書
薺菜挑供麩槐芽采作葅朝晡兩摩腹未可笑幽居
肩輿至湖桑埭

籃輿隨意出衡門日已沉山野未昏小市叢祠湖上
路短垣高柳埭西村麥苗極目無閑土塘水平堤失
舊痕明詔裕民聞屢下老農何以報君恩

半俸自戊辰二月置不復言作絕句

力請還山又幾年何功月費水衡錢君恩深厚猶慚
懼敢向他人更乞憐

又

俸券新同廢紙收
迎賓僅有一緇裘
日鋤幽圃君無笑
猶勝牆東學僧牛

頭風戲作

出門處處皆桃李
我獨呻吟一室中
只道有詩敲瘡鬼
誰知無檄愈頭風

茅齋

茆齋雖絕小老子策新勛
礎落霏霏雪爐生裊裊雲
心將鷗共遠巢與鶴中分
幾許人間事吾廬寂不聞

畊桑

老病雖俱至畊桑亦未遲
兒童誇犢健婦女閔蠶飢
月落梟鳴夜燈殘鼠齧時
但當尋熟睡萬事不須思

春遊

方舟衝破湖波綠
聯騎蹋殘花徑紅
七十年間人換盡
放翁依舊醉春風
予年十四始到禹祠龍瑞今七十一年矣

又

熟食從來少天色東吳況是足春寒
城南藉草可痛

飲安得酒腸如海寬

又

蘭亭路上換春衣
梅市橋邊送夕暉
聞有水仙翁是
否輕舟如葉槩如飛

又

沈家園裏花如錦
半是當年識放翁
也信美人終作
土不堪幽夢太匆匆

蔬飯

春事已闌珊
山村未褪寒
筍生初入饌
薺老尚登槃
僧飯時分鉢
園蔬不仰官
枯腸更禁攪
姑置密雲團

海棠歌

我初入蜀鬢未霜
南苑芙蓉亭看海棠
當時已已謂日未

猩血蜀姬豔粧肯
讓人花前頓覺無
顏色扁舟棘下

八千里桃李真成
僕奴爾若使海棠
根可移揚州芍
藥應羞死風雨
春殘杜鵑哭夜
夜寒衾夢還蜀
何從

乞得不死方更看千年未爲足

園中作

湖曲舊誅茆松陰近結巢安閑多熟睡衰退少新交
雨漬丁香結春生豆寇梢良晨不把酒新燕解相嘲

書意

整書拂几當閑嬉時取曾孫竹馬騎故故小勞君會
否戶樞流水卽吾師

又

人生祇要常無事忿欲紛紛喜見侵贈子祕傳安樂
法秋毫莫遺動吾心

又

籬角緋桃落漸稀晚風吹去點苔磯揮金豈必如疎
傳二畝春秧也是歸

晚春

世事紛紛不足論流年去似海濤翻莫因齒髮悲殘

成村鄰翁過我誇秧信雨後春泥一尺渾

又

莫笑花前醉墮巾放翁又看一年春尋巢燕熟頻穿
戶釀蜜蜂喧不避人楚廟羔豚初散社稽山筍蕨正
嘗新要知不負年光處南陌東阡自在身

湖上 卽事 東籬雜書四首 山行 稻陂

雨夜思子虞 醉中示客 散髮 病中觀

辛夷花 小艇 雜題四首 閒遊 病起初

夏 衡門獨立 雨夜 山麓 北齋 禽言

四首 道院偶述二首 初夏書感 贈邢芻

甫 昔從戎南鄭日 范西叔爲予書小臥屏今

三十有八年矣 悵然有懷 小雨 遣興二首

初夏喜事 夢蜀 閒遊二首 初夏二首

野興二首 自笑 喜晴 過鄰曲 題蘇

虞叟巖壑隱居 縱筆二首 北窗卽事二首

感物 園中把酒示鄰曲二首 書憂 門

外獨立 感事六言八首 幽居記今昔事十

首以詩書從宿好 林園無俗情爲韻 喜雨

初夏雜興六首 對酒作 獨坐閒詠二首

水亭二首

書興

書感二首

暑雨二首

池亭夏晝二首

頃歲從南鄭屢往來興鳳間

暇日追懷舊遊有賦

掃除小園未竟歸臥

暑中北窗晝臥有作

羈懷

自貽四首



卷之六

珍傲宋版印

劍南詩稿卷第七十六

宋陸游務觀

湖上

綸巾羽扇影翩翩
湖上春行莫負言
金谷樓臺已忘時
音分禽魚猶結縵
後來緣山前虛市
初多箇江外人家不
禁煙莫恨幽情無與共
一雙白鷺導吾前

卽事

成敗歸青史悲驩付浩歌
病從今歲減詩比去春多
高枕觀浮世持盃養太和
功名亦易爾難負此漁蓑

東籬雜書

辨辨江湖遠悠悠歲用移
老从觀物化隱几獨多時

又

桃李成塵土來禽始著花
病夫猶枕上春事又天涯

雜題

賀公在朝雅吳語莊寫仕楚猶越吟我幸歸休在閭巷燈前感慨不須深

又

茆屋三間已太奢柴乾米白喜無涯非賢敢竊優賢祿願折蓴絲與蕨芽半俸自春初不復敢請

又

野花紅碧自爭春村酒酸甜也醉人解放船頭便千里不愁無處著閑身

又

湖隄疎瘦水楊柳村舍殷紅山石榴推戶本來隨意入乞漿因得片時留

閑遊

柴車去去度橫陂正是春殘入夏時果熟多藏新密葉鶯啼偏占最高枝迷途每就傭畊問薄飯時從逆旅炊隨意題詩無傑思還家猶足詫吾兒

病起初夏

頭風間作已全輕，山雨雖頻却快晴。
窗外時時度花片，林梢處處送鶯聲。
地偏無客談閑事，麥熟逢人樂太平。
不爲衰遲辜節物，一甌羊駱薦朱櫻。

衡門獨立

春歸堪笑又怱怱，水白秧青細雨濛。
溪鳥低飛畫橋外，路人相值綠陰中。
宋清藥券貧來積，李賀詩囊病後空。
惟有劇談能一洗，芳尊那得故人同。

雨夜

吳中地多雨，海角客常愁。
羸病須醫藥，殘年憶董流。
解裝孤驛晚，振枕小江秋。
莫起瀟湘興，無才賦遠遊。

山麓

草合路如線，偶隨樵子行。
林間逢碧石，小憩看春晴。

北齋

質衣葺北齋，欹壞略撐拄。
窗扉則虛名，聊足度寒暑。
獨學無與論，推覈實勞苦。
審觀古人意，十亦得四五。

梁州風月今何在每憶朋儔淚濺裾戎幙已如它世事素屏猶對故人書

小雨

川雲疊疊密如鱗山雨霏霏細似塵未必便爲畊隴喜天公分付與詩人

遣懷

山澤荒寒外門庭寂寞中厭聞鳩喚喚雨常羨鶻知風逆境嗟行徧閑愁幸掃空今晨有奇事簫鼓賽年豐

又

風月資吟嘯漁樵約往還貧猶能釀酒病不廢遊山亂石臥牛馬流泉鳴珮環豁除羈旅日猶有半生閑

初夏喜事

箕穎元非爭奪場瀟湘自古水雲鄉采茶歌裏春光老煮繭香中夏景長斂版早知遊宦惡署門晚悟世情常茹芝却粒雖無術散髮猶當効楚狂

夢蜀

自計前生定蜀人錦官來往九經春堆盤丙穴魚腴
美下箸峨眉眉相脯珍聯騎雋遊非復昔數編殘稿尚
如新最憐栩栩西窗夢路入青衣不問津

閑遊

一見溪山病眼開青鞵處處蹋蒼苔平生長物掃除
盡猶帶筆床茶竈來

又

好事湖邊賣酒家杖頭錢盡慣會賒壚邊爛醉眠經
日開過紅薇一架花

初夏

床有蒲團坐負牆室無童子自燒香人圖作佛雖堪
笑我愛逃禪亦太狂櫻筍久忘晨入省蓴鱸猶喜老
還鄉汗青未絕茶經筆那暇投文吊戰場

又

梅子生仁已帶酸棟花墮地尚微寒室無長物惟空
榻頭不加巾但小冠蠶簇倚牆絲盍起稻秧經雨水

陂寬郊原清潤身差健剩欲閑遊一跨鞍

野興

東望城闌十里遙野人生計日蕭條棋枰棄置機心
息肉食蠲除業境消送藥時時過鄰父放魚日日度
溪橋自憐愛物還成癖門巷春來草沒腰

又

涉澗穿林信意行翠崖朱棧愜幽情關關幽鳥將雛
語簌簌幽篁解籜聲藉草一壺消永日出門幾屐了
平生川雲正作遮山計浩蕩南風又快晴

自笑

宦途昔似伏轅駒退處今如縱壑魚手自掃除松菊
徑身常枕藉老莊書郊居本自依農圃社飲何妨逐
里閭白髮蕭然還自笑風流猶見過江初

喜晴

日透疎簾影風傳莫角聲兒童競相報門有賣朱櫻

戴比鄰問道有提攜暑天漸近便餐酪吳俗相傳尚
戴比鄰問道有提攜暑天漸近便餐酪吳俗相傳尚
繪壘共喜豐年多樂事扶歸先判醉如泥

題蘇虞叟巖壑隱居

蘇子飄然古勝流平生高興在滄州千巖萬壑舊卜
築一馬二僮時出遊香斷鐘殘僧閣晚鯨吞鼉作海
山秋極知處處多奇語肯草吳牋寄我不

縱筆

騎鶴翩翩過月傍浩然風露九秋涼忽聞捲地潮聲
起始覺江山近故鄉

又

百尺松根結茯苓千年長養似人形誰知金鼎烹初
熟恰值山翁醉欲醒

北窗卽事

衡茅隨力葺幽居掃地焚香樂有餘分食時能下檐

鵲作洲常悔誑池魚遊歸又失相尋客睡起重開未
了書袖手悠然便終日不辭世俗笑迂疎

又

北窗最與嬾相宜世上紛紛了不知露井甘寒初浚
後小山葱蒨乍晴時粗餐豈復須鮭菜蓬戶何曾設
屐屨幸有床頭藤杖在登臨未遽歎吾衰

感物

提壺勸客飲架犁課農畊鳩方喜婦還蟻又以族行
大化職兩場我窗更晦明芸芸觀萬物一笑了此生
園中把酒示鄰曲

畏途半世困風波老返家山得已多野餉雖無食指
動村醅也解醉顏酡夢殘正欲還君枕棋罷那知爛
客柯松菊未荒風月在應容老子且婆娑

又

葉門巷陰陰筍放梢三畝荒園存故業一編蠹簡得

時人應怪我何求
白盡從來未白頭
磅礴巖巖三萬里
不知何地可憂憂

門外獨立

朝看出市莫看歸
數盡行人尚倚扉
要見先生無盡興
少須高樹挂殘暉

感事六言

老去轉無飽計
醉來暫豁憂端
雙鬢多年作雪
寸心至死如丹

又

黑犢養來純白
睡蛇死後安眠
但有漉籬可賣
不妨到處隨緣

又

五尺童知大義
三家市有公言
但使一眠得熟
自餘萬事寧論

又

麥熟與人同喜虜驕爲國私憂身似五更春夢家如一宿山郵

又

早歲已歸南陌莫年常在東籬短衣幸能掩脛長劍何須拄頤

又

高岸眼看爲谷寸根手種成陰一卷楚騷細讀數行晉帖閑臨

又

李白欽崎歷落嵇康潦倒粗疎生世當行所樂巢山喜遂吾初

又

有飯那思肉味安居敢厭茅茨未論顏淵陋巷老農

自注

幽居記今昔事十首以詩書從宿好林園無俗

繡角入家塾學經至爾詩治道本畊桑此理在不疑
今茲垂九十射事吾每里或星理農業未歎筋力衰
四月築麥場五月瀦稻陂秉火去螟蝗磨刀翦棘茨
西成大作社歌鼓樂聖時

又

上世本爲農輟耕業詩書我少學不成固應返其初
冥冥不自揣鄉校參羣居中歲偶拔擢清班久趨趨
典奏入南宮細書長石渠及其乞身歸舊業已丘墟
衰疾或小閒力尚給荷鋤寄聲謝故人毋爲笑迂疎

又

我昔揮短楫終年釣吳松亦嘗攜長鏡采藥玉霄峯
爲計晚大繆朝路偶見容晨趨大明班夜聽長樂鐘
白髮迫歸休居然鮮歡棕上恩許乞骸一日收孤蹤
蓬茅略補葺甑確勤炊春故交零落盡歲晚當誰從

又

還鄉老未死舉目少耆宿邑屋亦或非所餘但喬木
曩時列鼎家今不飽半菽盛衰迭變遷何者非陵谷
羸然九十翁世故見已熟偶能達一理萬事等破竹
布縫一稱衣藜藿半釜粥餘年更何爲枕藉糟與麴

又

癸亥辭修門拜賜散人號一出非本心歡喜歸祭竈
故鄉多名山幸得遂所好舟輿雖難具信步亦可到
清溪無塵滓奇峯有雲冒雨墊林宗巾風落孟嘉帽
豈惟狂故在望遠亦未旣一醉倘可謀敢愛將軍告

又

入蜀過匡廬秋風宿東林月出斷山口滿窗松竹陰
裊裊一枝燭道人語夜深亦設麩果供慰此羈旅心
猶恨非遠公無酒遣我斟明日下山去歎息難重尋
回首四十年駒隙何駸駸舊遊不可到悵望空長吟

昔戍西陲時憑高望中原願欲乘天風往吊綺與園

夕陽簫鼓散高柳擁廟門老來更事多考古見本根
乃知當時事禍福未易言千載信悠悠浩歎掩綠尊

又

客舟挂煙帆千里過楚都七澤渺無際大不數具區
浪翻出長蛟雲拆浮天吳我我來如山碎船不須與
江行幸已盡三峽尤畏途槎牙人饑貧小失卽見屠
叩頭禱鬼神已脫猶號呼願君勤自勵憂患何時無

又

昔自京口歸卜居得剡曲地偏無市人民淳有古俗
陋屋僅結茆粗飯財脫粟典衣以沽酒九月未能贖
寧負翁子薪恥售卞和玉老身已如此兒子亦碌碌
藏書幸無恙自計不啻足拾穗且浩歌行矣墮鬼錄

又

少小喜讀書終夜守短檠其實無甚解不幸誤有聲
勞苦亦何得空失東臯畊莫年乃小黠告歸學養生

采藥作遠遊把釣適幽情高樓笛數曲小軒棋一枰
餘年置勿憂不卿何由烹

喜雨

入夏久不雨旱勢已岌岌蛙蛤徒自喧蛟龍臥如蟄
何由白水滿但守青秧泣上天忽悔禍川雲起呼吸
虛簷雨競瀉平野苗盡立兒停蹋溝車婦免憂谷汲
人言雨非雨乃是傾玉粒移床亦細事敢嘆屋漏溼

初夏雜興

老子今朝不用扶雨涼百病一時蘇扇題杜牧故園
賦屏對王維初雪圖把釣溪頭蹋湍瀨煎茶林下置
風爐箇中莫謂無同賞逋客能從折簡呼

又

巾脫冠欹八尺床竹陰槐影有餘涼隨風花墮殘棋
上引睡書拋倦枕傍水長沙鷗向人熟雨餘巢燕哺

健夜短何妨晝熟眠未歷名山采靈藥且從同社樂
豐年賣絲糶麥償逋負猶有餘錢買釣舩

又

繆算狂言悔莫追杜門省事不妨奇敢傾淡墨詩成
後縹緲烏巾浴出時筇杖閑行穿密篠繩床移坐照
清漪眼邊好景真須惜漸近浮生結局時

又

趁雨東園去荷鋤歸菴却展讀殘書幸能胸著雲夢
澤何恨家無擔石儲水泛時須借篷艇山行亦或命
巾車嬾心惟怕遊城市非向交親故作疎

又

終日頽然蠹簡中門前煙水浩無窮百年等是一枯
塚四海應無兩放翁栗玉長枝挑苦筍胭脂小把翦
防風地偏日永閑無事擬著珍蔬譜一通

對酒作

飲酒豪如卷白波遣愁難似塞黃河多聞只解爲身累後死空令見事多未試神仙餐玉法且賡壯士入關歌此心不道無人識雪鬢蕭蕭奈老何

獨坐閑詠

書生亦有功名願與世無緣每背馳一寸丹心空許國滿頭白髮却緣詩

又

深掩柴荆謝世紛南山時看起孤雲殘年所幸身猶健閑事惟求耳不聞

水亭

水亭不受俗塵侵葛帳筠床弄素琴一片風光誰畫得紅蜻蜒點綠荷心

又

莫道山翁老病侵靜中理得舊傳琴朝來有喜君知

友滿榻清風不用錢便死也勝千百輩少留更過二
三年湖橋酒美能來醉一棹何妨作水仙

書感

翟公冷落客散去蕭尹譴死人所憐輸與桐君山下
叟一生散髮醉江天

又

驅山不障東逝波一尊莫惜醉顏酡斜風細雨茗溪
路我是後身張志和

暑雨

欲雨未雨雷車奔欲睡不睡人思昏蠻童正報煮茶
熟忽有野僧來叩門

又

草茂水長蛙羣鳴涯深路壞人斷行故侯老退守瓜
壟翠蔓黃花偏眼明

池亭夏晝

造物寧非念老生
池亭幽事悉施行
羣魚聚散忽無迹
孤蝶去來如有情
小磴落茶紛雪片
寒泉得火作松聲
曲肱假寐脩然寤
不爲敲門夢不成

又

茅舍蘆藩枕小灘
蕭森那復畏炎官
醉床酒解香初過
嬾架書橫夢未殘
饒愛流匙菰米滑
渴便滿杓粟漿酸
兒孫幸有團欒樂
未覺浮生一笑難

頃歲從南鄭屢往來興鳳間暇日追懷舊遊有

賦

昔戍蠶叢北頻行
鳳集南烽傳戎壘
密驛遠客程貪
春盡花猶坼雲低
雨半含種畬多菽
粟執木雜松栳
婦汲惟陶器民居
半草菴風煙迷棧
閣雷霆起湫潭
城郭秦風近村墟
蜀語參快心逢曠
野刮目望浮嵐
考古時興感無時
日每慚嘉陵最堪
憶迎馬柳舞舞

竹葉掃仍落莎根
鋤更生陰陽常代
謝今昔各施行

暑中北窗晝臥有作

禦疾如治河但當導之東下流既有歸自然行地中
養生如執木培植要得宜常使無夭傷自有干雲時
我少本多疾屢亦頻危殆皇天實相之警告意有在
中年棄嗜慾晚歲節飲食中堅却外慕魔盛有定力
死生雖天命人事常相參茫茫九衢中百禍起一貪
郊虛暑雨餘巾墮腳不襪高臥北窗涼超然寄疎豁

羈懷

羈懷不復耐悲歡清鏡朝朝雪鬢繁謝傅畏逢親友
別龐公思遺子孫安殘骸累歲歸民伍半俸今春上
縣官閉戶惟須學堅坐不知更敗幾蒲團

自貽

寒暑衣一稱朝晡飯數匙錢能禍撲滿酒不負鷗夷

又

家風本章布生事但漁樵慣就下鄉食莫煩東閣招

又

癡孫護雀雛饒僕放池魚懷藥問鄰疾典衣收舊書

又

退士憤驕虜閑人憂旱年耄期身未病貧困氣猶全

僉南詩稿卷第七十六終

卷第七十七

得爾霪足遂有豐年意
欣然口占 浴罷閒步

門外而歸 初晴 枕上二首 讀史 今歲

六月望後一日立秋比常年涼意差早 獨坐

二首 貧病 涉溪 卽事四首 野性 閒

行 伏中熱不可過中夜起坐作詩寄五郎

暑中自遣 夜坐中庭 夜坐門外示子適

夜坐小飲 閒思 書村店壁 幽居 立秋

前九日大雨涼甚二首 寄太湖隱者 讀史

四首 病戒 夏夜納涼 銘座 異夢 初

秋驟涼 新涼 書幸 獨遊 記夢 初秋

自述 秋暑夜起追涼二首 小築 喜雨二首

秋夜 白鷗 靜室 秋興 欲雨二首

雜感十首以野曠沙岸淨天高秋月明爲韻

秋思十首 雞犬二首 秋來瘦甚而益健戲

作 秋夜 秋興 閒詠 人壽至耄期 訪
野人 黨蟲効宛陵先生體 吹笛 書幸

感事 晚晴 農家 寓歎二首 雨夜 秋

懷四首 小室 贈道侶 舟中醉題二首

出遊莫歸 園中作



僉南詩稿卷第七十七

宋陸游務觀

得雨露足遂有豐年意欣然口占
人事銷沈渺莽中此身元合付天公
儒生可逐惟求忘社酒常辭不怕
聾鬱鬱稻苗欣出穗汪汪陂水告
成功老民莫道渾無用能爲明時
祝歲豐

浴罷閑步門外而歸

兩扇荆扉數掩籬幽人浴罷得娛嬉
南臨大澤風來遠東限連山月出遲
沙上無泥藤屨健水邊弄影葛巾欹
徑歸却就東窗臥要及蟬聲未歇時

初晴

暑雨初收體爲輕遠山盡出眼偏明
詩憑寫興忘工拙酒取澆愁任濁清
綠樹有陰休倦步澄溪無滓濯塵纓
老人本少凋年感不奈江城莫角聲

枕上

青絲玉井轆轤聲露葉風枝鶯鷓鳴造物未容閑到
死又從枕上得詩情

又

冥冥梅雨暗江天汗浹衣裳失夜眠商略明朝當少
霽南簷風珮已鏘然都下新作藥玉風響如古玉珮珣璵瑪
悉備

讀史

馬周浪迹新豐市阮籍興懷廣武城用捨雖殊才氣
似不妨也是一書生

今歲六月望後一日立秋故比常年涼意差早
九衢車馬困炎曦正是山中散髮時秋近梧桐已搖
落陰生蟋蟀最先知稻陂水白寧憂旱竈突煙青幸
續炊誰謂吾廬太岑寂茶瓜亦有野人期

異夢

山中有異夢重鎧奮雕戈敷水西通渭潼關北控河

貧病

貧至今年劇真無地置
雖判愁停貰酒忍病罷迎醫
性懶非關老天窮豈坐詩
秋風還欲到便可數期頤

涉溪

揮汗欲成雨聚蟲真若雷
山翁在何許赤腳步溪來

卽事

身向人間閱事多杜門聊得養天和
盛衰莫問蕭京兆壯老空悲馬伏波
日莫城樓傳戍角風生嶺路下樵歌
君知此段神通否豎拂能降百萬魔

又

唐虞千載仰巍巍太息儒生每背馳
經未盡亡君更考古無不死我何悲
釣耕本是求賢地宵旰今逢願治時
寄謝公卿各努力爲吾君築太平基

又

我愛湖山清絕地抱琴攜鶴住茆堂
藥苗自采盤蔬

美菰米新春鉢飯香南浦風煙無限好北軒雷雨不
勝涼舊交散落無消息借問黃塵有底忙

又

放翁老去未忘情鏡裏森然白髮生一片常愁見花
落三聲最怕聽猿鳴年年雙隻路傍埃夜夜短長城
上更晚悟一條差似可孤舟漁火看潮平

野性

野性從來與世疎俗塵自不到吾廬醉中往往得新
句夢裏時時見異書稚子那偷服藥酒家僮尚護放
生魚今朝更有欣然處引得清泉灌晚蔬

閑行

出戶莽悠悠東西本不謀阻溪因小涉逢店得中休
鳥沒千山暝蟬吟一院秋詩成還自笑信筆媿冥搜
伏中熱不可過中夜起坐作詩寄五郎

衆星若銀礫老桂臥海底中夜熱不解病叟推枕起
悲蟲號草根孤螢照野水樹頭風急生喘汗真一洗

豈知才術疎空自凋髮齒功名永無期祿不飽妻子
歸耕力又憊得粟半糠粃詩書不可賴如倚折足几
大兒逾六十逐食走千里路途況難梗累月書一紙
豈不念歸省屢請輒見梘幸吾未極衰汝行姑少止
暑中自遣

名山處處得幽尋破硯時時出苦吟上藥和平無近
効古詩簡淡有遺音蘇門隱去聞孤嘯栗里歸來弄
素琴尚恐俗塵除未盡每思雪夜宿東林

夜坐中庭

蕭散坐中庭三更月未生
颼風涼醉頰汲井濯塵纓
草露沾衣冷天河隔樹明
裴回不能睡鼓角下高城
夜坐門外示子通

夜坐門外示子通

秋意遽如許體中殊未佳
灘深無宿鷺草茂有鳴蛙
棲遯從吾好吟哦與汝偕
雲門漸可到剩判幾青鞋
夜坐小飲

夜坐小飲

零落槐花已滿溝，江湖又見一番秋。
水輪有轍凌空上，銀漢無聲接地流。
丹荔甘寒勞遠致，玉醅醇冽喜新筍。
移床坐對西南電，好雨心知不待求。

閑思

畢世爲農不復疑，還東六見歲陰移。
閉門旋了和詩債，賣藥不償沽酒資。
意倦投床効龜息，齒疎嚼飯類牛呬。
兀然過日君無怪，一念功名恐過悲。

書村店壁

裹茶來就店家煎，手解驢鞍古柳邊。
寺閣重重出山崦，漁舟兩兩破溪煙。
近秋漸動尋幽興，絕俸難營覓醉錢。
到處不妨閑著句，他年好事或能傳。

幽居

毒暑流金石，吾廬乃爾幽。
松棚香帶露，竹簟冷生秋。
盪槩蘋花浦，垂竿杜若洲。
非關遺世事，聊以解吾愁。

立秋前九日大雨涼甚

天暑正三伏，雨來我九秋。
寒聲入簷戶，爽氣襲巾禱。

又

雨暗初疑莫雲開已變秋有風生枕簟無汗漬衣襟
漉酒嘗浮螳題詩走黑虬呼兒治書笈吾欲剡中遊

寄太湖隱者

青松伐作薪白玉碎作塵雖云質已毀見者猶悲辛
磊砢任棟梁溫潤中琮璧豈以捐空山遂比凡木石
酈生吏高陽馬周客新豐從來豪傑士大指亦略同
具區古大澤煙水渺千里可望不可到中有隱君子
圖書兼河雒成毀窮乾坤有時跨蛟鯨指撝雷雨轟
嗟我獨何人乃許望顏色逝將從之遊變化那得測

讀史

細帙牙籤滿架書流泉泱泱竹疎疎人生得志寧無
命一室何妨且掃除

又

王侯到底是虛名何物能爲我重輕徒步出關胡不

可向來常笑棄繻生

又

男子胸中正要奇立談能立太平基君王玉鉞無窮恨千載茫茫誰復知

又

自古功名亦偶諧胸中要使浩無涯可憐赫赫丹陽尹數顆檳榔尚繫懷

病戒

憂身如憂國畏病如畏亂此身雖幸健敢作無事看禍福在呼吸恐懼兼寢飯人所忽不省我思嘗熟爛夜臥不安席晨起寧待日雖云親藥石得失每參半人情喜一快往往觸剽悍收功寧使遲覆敗不可玩

夏夜納涼

河漢微茫月漸低風聲正在草堂西莎根唧唧蟲相吊木末翻翻鶻未栖屯甲近聞如積水聞淮壩近募雄淮軍數萬守關不假用九泥孤臣報國嗟無地只有東

皇更飽粹

銘座

身退仍懷退心平更欲平直嫌繩尚曲重覺鼎猶輕
力學能除翳深居可息黥聖門初豈遠妙處在躬行

獨坐絕句二首

蛙鳴乃是怒鵬嘯固非妖獨宿空山夜何妨伴寂寥
輕雷不成雨闕月却穿雲獨倚南齋柱長吟到夜分

初秋驟涼

我比嚴光勝一籌不教俗眼識羊裘滄波萬頃江湖
晚漁唱一聲天地秋飲酒何嘗能作病登樓是處可
消憂名山海內知何限準擬從今更爛遊

新涼

家住山陰剡曲傍一番風雨送新涼亦知病得清秋
健無奈愁隨獨夜長日落川原橫慘淡月明洲渚遠
蒼茫老民無復憂時意齒豁頭童只自傷

書幸

才薄無能役窮途不意全得書娛晚莫遇藥起沉繇
漂母能分食偷兒肯恕羶不知從此去更度幾流年

獨遊

地僻少人跡身閑思獨遊荒村更阻雨衰鬢不禁秋
斷續呼牛笛橫斜放鴨舟殘年澹無事隨處送悠悠

記夢

夢遊異境不可識翠壁蒼崖立千尺樓臺縹緲出其
上揮手直登無羽翼門楣扁榜作八分奇勁非復人
間迹主人鹿弁紫綺裘相見歡如有疇昔探懷示我
數紙書妙句玄言皆造極我卽鈔之雜行草主人懼
恍如甚惜夢中亦復知是夢意恐覺時無處覓自量
強記可不忘鷄唱夢回空歎息

初秋自述

平生偶有愛山僻垂老常無沽酒資破屋頽垣吾已
矣大冠長劍汝爲誰郵亭歷歷關河遠鬢髮蕭蕭歲
月移殘暑不禁隨手過東籬又近菊花時

漱罷寒泉弄月明浩然風露欲三更曲闌干畔踟躇
久靜聽空廊絡緯聲

又

道士磯邊浪蹴天郎官湖上月侵船莫年自度無因
到且與沙鷗作後緣

小築

小築竝湖堤茅茨不厭低引泉澆藥圃砮竹樹雞棲
夕靄山常淡秋蕪路欲迷平生草玄手老去學鋤犁

喜雨

黑雲橫絕天漢津父老僉言候當雨未論秋稼縣千
里且喜滂沱洗殘暑我起呼兒扶再拜汗垢得涼真
一快枯槁抱甕兩置之日日齋盂飽菘芥

又

雨聲蕭蕭集庭樹雨氣森森入窗戶王川茆屋久不
葺破漏無復施床處我於萬事本悠悠危坐讀書忘

百憂明朝秋水增三尺且復沙邊弄釣舟

秋夜

大枕空床夢不成草堂悄悄四無聲月明漸見天窗
白風起忽聞簷珮鳴客子未忘悲故里老人無念到
浮名江村歲歲先涼冷且復尋盟向短檠

白鷗

平生崖異每自笑一接俗人三被除惟有白鷗真我
客爾來底事向人疎

靜室

靜室床橫一素琴爾來殊覺道根深喚回倦枕功名
夢洗盡浮生幻妄心兩屨雲煙游少室一窗風雪宿
東林細思却是關身事無奈殘年老病侵

秋興

秋眠怯簟冷晨飯喜蔬香寧使衣百結肯儲錢一囊
杜門雖局促負氣尚軒昂死去真無憾曾孫似我長

欲雨

徙穴中庭蟻爭巢後圃鳩物情猶慮患人事得忘憂
又

荷鍤決新渠芟茅補舊廬共知秋必雨有備卽安居
雜感十首以野曠沙岸淨天高秋月明爲韻

呂鈞渭水濱說築傅巖野雖曰古盛時得士蓋亦寡
天將啓治亂人才有用舍向非萬牛力孰與成大廈

又

洙泗日已遠儒術日已喪學者稱孔墨爲國雜伯王
書生幸有聞力薄不能倡默默世俗間汝職無乃曠

又

我昔下三峽百丈堆兩車初發公安城已過長風沙
早知世路惡恨不常浮家至今清夜夢雙鷗聞謳啞

又

斗杓運四序寒暑忽已換人生知幾何去日難把玩
憑高望煙海青山忽中斷秋風肺病蘇爲子巾一岸

又

磨鏡要使明拭几要使淨奈何視吾心不若几與鏡
垢汙倘未除秋毫卽爲病吾曹亦聖徒可不學顏孟

又

天人本一理禍福常昭然人衆何足恃妄謂能勝天
適燕當北轅調瑟當解弦五行未可忽洪範禹所傳

又

鏡湖一何清稽山一何高浙江百里遠夜枕聞驚濤
子胥死吳下千載無人豪遺魂招不來我欲續楚騷

又

歸耕無襪襖出戰無兜鍪已失西疇春空懷北平秋
提攜一束書蹭蹬至白頭甌中有轆飯一飽吾何求
吳人謂飯不炊者爲轆飯轆音勞

又

我昔遊劍南爛醉平羌月一盃玻璃春萬里望吳越
豈知有天幸故山得歸骨扁舟小江上夜半看月沒

又

入東多名山天台連四明路窮寺門出林闕溪橋橫
豈無一月間結束與子行會揀最幽處煨芋聽雪聲

秋思

秋雲易簇日常陰西望山村每欲尋屏掩數峯臨峭
絕虵蟠一徑入幽深

又

山步溪橋入早秋飄然無處不堪遊僧廊偶爲題詩
入魚市常因施藥留

又

臨海銅燈喜夜長蘄春笛簟怨秋涼世間生滅無窮
境盡付山房一炷香台州白銅燈檠絕妙

又

才不才間未必全胸中元自要超然黃金不博身強
健且醉江湖萬里天

又

牙齒漂浮欲半空此生已付有無中一盃藜粥楓林

下時與鄰翁說歲豐

又

疏泉洗石誇身健
試墨燒香破日長
若得三山安樂法
不須更覓玉函方

又

傍縣人來涕泗翻
蝗災暴虎不堪言
天心似爲衰翁地
飽食安眠獨北村

又

閑愁正可資詩酒
小疾安能減食眠
一畝旋租畦菜地
千錢新買釣魚船

又

眼明尚見蠅頭字
暑退初親雁足燈
歷歷胸中千載事
莫將輕比住菴僧

又

虛極靜篤道乃見
仁至義盡餘何憂
名山采藥恐未免
策蹇孰能從我遊

雞犬

鄉村年久競農務秋斂春畊恐失時我老元無夙興
事懶雞啼曉恰相宜

又

貧家也復謹朝昏小犬今年乞近村糠粃無多深媿
汝信信終夜護籬門

秋來瘦甚而益健戲作

莫笑形羸不自支清虛正與老人宜矛頭浙米誰能
食甌裏生塵却自奇獨釣又逢秋晚後安眠常到日
高時邇來久雨牆垣壞碎竹東岡自作籬

秋夜

岸幘蕭然病體輕雨餘郊館已涼生微風掠面酒無
力明月滿窗眠不成葉底涓涓秋露滴草根咽咽暗
蛩鳴屏居未免傷孤寂賴有鄰翁約耦畊

秋興

巢燕無情不更回門庭日日落楸槐新涼漸喜償碑

債多病還憂欠藥材社近家方筭濁酒客來身自掃
蒼苔道心已熟機心盡寄語鷓鴣莫苦猜

閑詠

莫笑結廬魚稻鄉風流殊未減華堂茶分正焙新開
箸水挹中灑自候湯小几研朱晨點易重簾掃地晝
焚香個中富貴君知否不必金貂侍紫皇青城丈人祠
畫仙官有服貂蟬者

人壽至耄期

人壽至耄期如位至王公非以德將之往往不克終
非必皆大惡過取固多凶吾今垂九十追逐羣衆中
筋骸勝拜起耳目未盲聾強健天所借正與富貴同
一念媿屋漏一言誑孩童老無朋友規日夜勤自攻

訪野人

我行城西南適茲素秋時風露雖已高草木鬱未衰
敲門尋野人一笑萬事非拂榻意何勤酒釀雁鷺肥
新涼天所賜盡醉不足辭擊壤歌堯年瞑目以爲期

薰風苑宛陵先生體

澤國故多蟲乘夜吁可怪舉扇不能却燔艾取一快
不如小忍之驅逐吾已隘寧聞大度士變色爲蜂蠆
吹笛

吳江楚澤閑遊徧未豁平生萬里心醉裏獨攜蒼玉
筍岳陽樓上作龍吟

書幸

破屋頽垣鬼笑窮暗中調護賴天公頻年得疾身猶
健百種無營飯不空

感事

已醉猩猩猶愛屐入秋燕燕尚爭巢老夫看盡人間
事欲向山僧學打包

晚晴

雨如塵點送新涼雲作魚鱗襯夕陽蓬戶清閑貧亦
好筍輿安穩病何傷

農家

寂寂江村數掩籬
吾廬又及素秋時
橫林未脫色已
盡孤鳥欲棲鳴
更悲小釜尊羹初
下豉矮瓶豆粉正
燃萁爲農幸有家
風在百世相傳更
勿疑

寓歎

白首還鄉厭蕨薇
悵悵自歎欲疇依
門庭不掃稀迎
客礎杵無聲未贖
衣達士共知生是
贅古人嘗謂死爲
歸畊疇幸可期中
熟又報殘蝗接翅
飛

又

憶昔建炎南渡時
兵間脫死命如絲
奉親百口一身在
許國寸心孤劍知
坐有客瘖堪共醉
身今病忘莫求醫
出門但畏從人事
臨水登山却未衰

雨夜

病多漸減燈前課
老甚都忘枕上愁
一段高情誰會得
臥聽簷雨瀉清秋

秋懷

火食非初志衣塵每自哀
危途觸灑瀕歸興薄蓬萊

遠客傳琴調高僧乞藥栽人間豈不好病眼自慵開
又

苦雨無時止幽人空復情少眠知夜永久病喜秋清
螢傍疎簾度蛩依壞甃鳴流年那可挽又見曉窗明

又

獨立離人境幽居察物情蟻知軍陣法蟲作緯車聲
身老惟貪睡兒癡亦情咍騰騰復兀兀何以報時平

又

寓世久成贅忘家生若浮安能三太息惟有四宜休
屋壞無全堵船輕每信流鴟夷幸無恙賴爾可消憂

小室

窗几窮幽致圖書發古香古香見米元章書畫史尺池魚
鱖鱖拳石樹蒼蒼老去身猶健秋來日自長養生吾
豈解嬾或似嵇康

贈道侶

蕊笈人多有惟君獨造微丹成河自塞吟罷劍俱飛

消搖 堅頑 遺懷四首 初寒 閒行至

西山民家 夜與子適說蜀道因作長句示之

村舍七首 登山西望有懷季長 山行

二樂 村女 示子適 聞新雁有感二首

山村獨酌 小園獨酌

宋宋
陸陸
游游
務務
觀觀

感舊

莫笑山翁老欲僵
壯年曾及事高皇
雕戈北出戍窮塞
華表東歸悲故鄉
萬事固難輕忖度
百年猶有未更嘗
紛紛謗譽何勞問
但覺邯鄲一夢長
齊民要術曰
智如禹湯不如更嘗

東園

車馬無聲客到稀
荷鋤終日在園扉
斷殘地脈疏泉過
穿透天心得句歸
對鏡每悲鸞獨舞
繞枝誰見鵲南飛
悠然自遣君無怪
文史如山斲解圍

秋夜

局促人間每鮮歡
秋來病骨愈酸寒
夾衣尚典雁聲過
斷簡未收雞唱殘
退士鬢毛紛似雪
老臣心事炳

如丹燈前握臂無交舊聊喚清尊少自寬

驛壁偶題

纍纍驛門埃杳杳寺樓鐘葉落樹陰薄雲生山崦重
交親窮未棄父子老相從惟待新粳熟高眠聽夜春

又

去去投山驛悠悠解橐裝斜陽穿破廐落葉滿空廊
舞簡村巫醉塗朱野女粧近行吾亦倦假寢據胡床

又

過市未十里入山知幾重幽林聞格磔淺瀨見噦喁
小瓮家家酒衡門世世農班生定癡絕辛苦覓侯封

夜起思子虞

我久依畊壠兒方吊戰場臥聞風浩蕩起視月蒼茫
老境緜袍暝貧家菜粥香惟愁殺風景無酒作重陽

秋日次前輩新年韻

孤生鬢髮垂垂亦是秋元渺渺烟中路冥冥海上村
小難看鷺立平野送鴉翻卽欲掩關臥南山猶未昏

青雲迷故步言白首負明時言幸有殘書卷言猶堪付小兒言

又

老人常獨處一笑比河清終日無來客三年不入城
高眠聽酒滴危坐對雲生嬌首羲皇世吾其享大羹

又

浮家久居蜀下峽晚還東天際孤帆遠花前百榼空
旅遊渾似夢年運遂成翁欲話峨眉月無人可與同

又

殘年垂九十雪鬢不勝繁賣屨糴炊米典衣租廢園
山深雲滿屋夜靜月當門鄰曲時相過扶行賴稚孫

仲秋書事

秋風社散日平西餘胙殘壺手自提賜食敢思烹細

項家庖仍禁擘團臍昔爲儀曹郎兼領膳部每蒙賜食與王公
略等食品中有羊細項甚珍予近以惡殺不食蟹

創南詩稿卷之七十一
中華書局聚

又

天心那得與人同
牲社家家禱歲豐
料理蝗餘猶十
五殘年亦未委溝中

又

斷雲歸岫雨初收
茅舍蕭條古渡頭
短褐老人垂九十
松枯石瘦不禁秋

又

客來深媿里閭情
近爲衰殘罷送迎
旋置風爐煎顧
渚劇談猶得慰平生

又

舉家食粥顏平原
坐客無氈鄭廣文
不是有心輕富
貴偶然看破是浮雲

又

書生習氣盡驅除
酒興詩情亦已無
底怪今朝親筆

砂木短牙詩在

又

子只要先生兩眼明

又又

省身要似晨通髮止殺先從莫拍蚊老負明時無補
報惟將忠敬事心君

又

杖得輕堅餘可略酒能醇勁更何求二君最是平生
舊白首相從萬事休

又

心明始信元無佛氣住何曾別有仙領取三山安樂
法蒲團紙帳過年年

步屨

名山有志未能酬步屨東岡當出遊小閣捲簾驚鷺
起清池投餌看魚浮西風吹葉空多感落日銜山尚
小留兒老戍邊歸未得淮南新雁又經秋

後死

後死非初望餘生只自悲舊交孤劍在壯志短檠知行步雖依杖光陰未付棋為農自當力不為學幽詩

思剡

羸疾無休日清秋適此時節存旄盡落帶賸眼頻移吾興復不淺俗人那得知會當遊剡去支許有深期

故里

漏盡鐘鳴有夜行幾人故里得歸耕摧傷自喜消前業疾恙天教學養生鄰曲新傳秧馬式房櫛靜聽緯車聲芋魁菰首君無笑老子看來是大烹

野意

久忝明恩返故鄉全家衣食出畊桑詩纔適意寧求好醉即成眠不暇狂小雨荷鋤分藥品乍涼扶杖看優場此身已作農夫死却媿時賢獨未忘

意行至神祠酒坊而歸

雨收霽色滿川原獨艮枯藤出旦門陌上微風搖稗穉溝中殘水出籬根繫性廟柱悲刀几醜酒村場滿

訪村老

強健如翁舉世稀
夜深容我叩門扉
大兒叱犢戴星出
稚子捕魚乘月歸
骨肉團欒無遠別
比隣假貸不相違
人間可羨惟農畝
又見秋燈照搗衣

戲題僧巷

致虛守靜氣常全
全家付兒孫
命委天
夢事只堪高臥看
危途誰校疾
行先獨轆短棹聊乘興
野草幽花自鬪妍
數字漫留僧壁去
與身閑作後身緣

書意

秋江菰菜喜新嘗
鹽酪親調七箸香
但有長腰吳下米
豈須細肋大官羊
青衫昔悔塵中老
白髮今宜靜處藏
一事尚須深自咎
街頭兒女識韓康

又

物我年來已兩忘
蕭然湖曲一茆堂
身閑自與俗子遠
睡美不知秋夜長
餘祿正應蠶瓮在
宿醒時臥酒

一珍做宋版印
墟傍老人肘後長生藥檢盡千金無此方

南塘晚步記鄰里語

喚舟欲泛湖出門日已暮顧景遂輟行老病畏風露
不如上南塘蕭然散予步季子挾書卷仲孫奉杖屨
夏秋多杜門一出驚行路鄰里相與言稽事凜可懼
羣蝗飛蔽日殘齧到竹樹惟茲數里間若有神物護
天蓄幸獨薄豈以此老故老人亦自笑病骨日欲仆
鬼神彼何爲與世殊好惡相期勤自修此幸豈可屢

稽山道中

文章事業初何有鐘鼎山林本自同昨莫釣魚天鏡
北今朝采藥石帆東

又

禹陵草木初霑露謝墅人家已閉門八十年間幾來
往癡頑不料至今存

讀近人詩

琢瑀自是文章病奇險尤傷氣骨多君看大羹玄酒

琴劍

流塵冉冉琴誰鼓
瀆血斑斑劍不磨
俱是人間感懷事
豈無壯士爲悲歌

戲題

莫輕凡骨未飛騰
要勝人間粥飯僧
山路近行猶百里
酒盃一舉必三升

溪上小雨

我是人間自在人
江湖處處可垂綸
掃空紫陌紅塵夢
收得煙蓑雨笠身

晚聞庭樹鴉鳴有感

烏鶻棲我庭將日
輒散去此豈厭所棲
亦以飲啄故一飢
能驅人擾擾無晨莫
不然亦已矣豈樂塵
土汗我有茆三間
自少鮮外慕力畊
自足食鷄豚亦可具
晚雖誤收召疾走
如脫兔六年楓林
下不知歲月度殘
骸幸強健沽酒徧
山步

鄉語謂湖山間小聚爲山步醉

歸每自笑不負此芒屨平生愛方外雖老冀有遇秋風送片帆更上剡溪路

秋夜齋中

木落煙深江上村莫秋蕭瑟不堪論雁如著意頻驚枕月似知愁故入門營道數峯新石友近得道石數峯廣陵一曲古桐孫亦知長物終安取聊與兒曹洗睡昏

又

殘年冉冉返丘園敗屋蕭蕭長子孫久悔文辭妨大業偶因憂患得玄門扶持後死知天幸容養無能荷國恩急雨打窗秋又晚旋挑野菜助盤飧

識媿路逢野老共語歸舍賦此詩

幾年羸疾臥家山牧豎樵夫日往還至論本求編簡上忠言乃在里閭間私憂驕虜心常折念報明時涕每潛二句實書其語寸祿不沾能及此細聽只益厚吾

顏

莫秋木葉已微丹
小雨蕭蕭又作寒
目送斷雲歸谷口
身隨新雁寄江干
濁醪易負尋常債
退士難叨本分官
謝盡浮名更無事
燈前兒女話團欒

秋來益覺頑健時
一出遊意中甚適
雜賦五字旬日雨
頻作一年秋又殘
光陰不少貸懷抱
若爲寬小瓮聊尋醉
疎砧已戒寒
定知清夜夢又過石闌干
剡溪道中佳處

又
何許是吾廬
南臨古鏡湖
園林垂橘柚
門巷落楸梧
牀穩龜無息
巢新鶴有雛
鄰翁殊耐久
有酒卽相呼

又
原埜無閑土
鄉閭有老人
疾平行已健
秋晚醉差頻
啄黍黃雞嫩
迎霜紫蟹新
百年元任運
一笑却關身

又
藿食筋骸憊
林廬歲月侵
道窮思故友
力盡悔初心

浩浩天知我悠悠後視今飄零君勿嘆古瑟有遺音
又

輕裝雨衣笈假寢一胡床喚渡江樓下逢僧縣驛傍
橫林生夕靄孤蝶弄秋光老慣人間事無詩寄斷腸

又

渡水得魚舍乞漿敲竹扉地偏花帶恨林暝鳥忘歸
獨往非違世幽居自息機晚來清興極更喜雨霏霏

又

窮阨非由命從來作計疎妄營資鬼笑多愛奪狐書
何事能陶寫惟當盡破除霜晴宜著屐不敢笑無驢

又

寓世年雖往安心疾已平每思丹竈冷宜覺世緣輕
布被雞催曉蓬窗鵲噪晴呼兒淨洗硯書帖寄青城

又

萬古無窮夢餘年汝散雲身雖迫衰謝學未廢鉏耜
開卷多新得逢人有舊聞伏生雖九十猶冀與斯文

斯世本無事古人誰與歸屏除閑塵尾收拾舊蓑衣
浩浩觀空劫拳拳訟昨非雲開天萬里遼鶴正孤飛
遊近山僧菴

臥看香穗嘆吾衰起著芒屨信所之十里溪山最佳
處一年寒煖適中時眼明竹院如曾到心許沙鷗卜
後期不是詩人託高興日長真付一枰棋

喜晴

三日雨不止意謂無復晴泥深不可出臥聽空堦聲
事有未易料南風起三更陣陣浮雲歸杲杲初日明
穡事旣竭作機杼比屋鳴天公真老手談笑功皆成
家家有新釀歡言相送迎蝗孽幸掃空努力謀春畊
阿通自閩中歸甫九歲頗有老成之風作此詩
示之

通子還家已九齡從師衿佩兩青青長成勉作功名
計勿學衰翁老一經

農家

大布縫袍穩乾薪起火紅薄才施畎畝朴學教兒童
羊要高爲棧雞當細織籠農家自堪樂不是傲王公

又

盜息無排甲兵消不取丁頻過鬪雞舍閑學相牛經
江浦漁歌遠人家績火青遨遊無定處隨意宿丘亭

又

東舍女乘龍西家婦夢熊翁誇酒重碧孫愛果初紅
栗烈三冬近團欒一笑同營生無繆巧百事仰天公

又

租犢畊蕎地呼舩取荻薪蒼頭供井臼赤腳解縫紉
僧乞銘師塔巫邀賽土神心常厭多事謝病又經旬

又

新作地爐成蓬窗亦自明油香麪餌脆人靜布機鳴
縣吏催科簡豪家督債輕小康何敢望生計且支撐

又

諸孫晚下學髻脫繞園行互笑藏鉤拙爭言鬪草贏
爺嚴責程課翁愛哺飴錫富墳寧期汝他年且功畔

讀老子有感

左史倚相讀皇墳學者尚得窺全渾孰爲武成二二三
策寧取道德五千言巢居結繩事益遠澆淳散朴忍
復論安得深山老不死坐待古俗還羲軒

鄰人送菰菜

張蒼飲乳元難學綺季餐芝未免飢稻飯似珠菰似
玉老農此味有誰知

書喜

莫謂家貧厭舊醅一尊聊對桂花開天蓄已過無蝗
孽海舶初通有藥材剩借涼風吹醉頰況逢急雨洗
浮埃入秋腰腳增強健山麓從今日日來

秋日徙倚門外久之

舍前煙水似瀟湘白首歸來愛故鄉五畝山園鬱桑
柘數椽茅屋映菰蔣翻翻小繖船歸郭渺渺長歌月

滿塘却掩柴荆了無事篆盤重點已殘香

雙蝶

庭草何離離清晨露猶溼草頭兩黃蝶爲我小佇立
秋光亦已晚行見霜霰集方春不盡狂汝悔尚何及
吾生更堪笑去日如電急功名竟何在惆悵劍峯澗
法雲孚上座求詩

老人癡鈍避嫌猜終日柴門閉不開堪笑山僧能好
事乞碑纔去覓詩來近有淨慈僧訥來求銘其師塔亦寓法雲
幾年

詹仲信出示卜居詩佳甚作二絕句謝之

十里相望亦未遙何由頻得慰無聊老來萬事慵開
眼獨喜詩盟不寂寥

又

年來阻闊動經時忽見新篇乃爾奇安得齊紈翦團
扇爲君小草卜居詩

夜雨

夜雨有殘滴秋礎無絕聲得詩旋已忘覓睡固難成
壯志悲垂老歸咍願太平發春纔屬爾歲事又崢嶸
晚秋出門戲詠
病叟倘佯古澤邊橫林搖落莫秋天鳴鳩雨後却呼
婦飛雀霜前先著緜抱被每投僧榻宿卷書時當酒
家錢秋風想像芝房熟北望商山一悵然

又

閑愁那到野人邊萬事元知合付天盡醉僅能三餽
酒新寒未辦一鉢絲鄰僧每欲分齋鉢廟史猶來索
社錢無地置錫真細事不妨胸次日超然

消搖

莫笑茆檐陋消搖遂野情遇魔增道力因病悟浮生
謀食憑長鑱論交得短檠不知從此去幾見雁南征
堅頑

小市朝行藥明燈夜讀書雖殊帶箭鶴要是脫鈞魚
有飯已多矣無衣亦晏如堅頑君勿怪豈失遂吾初

遺懷

息倦登畊隴乘閑弄釣舟安能書咄咄且復送悠悠
窮巷誰來往村醪自獻酬何妨晏平仲歲晚一狐裘

双

窮每占周易開惟讀楚騷病隨災漸退癩與拙相遭
投枕燈初上披衣日已高清愁亦可剪無處買并刀

又

有志師千載無方起九原山園菜常瘦村店酒多渾

衰疾形詩句窮愁入夢魂傍觀任嘲笑吾道始應尊

又

雲族初疑雨風生忽快晴半窗松竹影繞舍鳥烏聲
看劍心猶壯開書眼漸明餘年真已矣不復問君平

初寒

日月誰能駐風霜忽已高公孫分布被范叔共綈袍
穉稜炊香甑蒲萄壓小槽所慚才已盡孤詠不能豪

閑行至西山民家

秋林半丹葉秋草多碧花隔山五六里臨水兩三家
罾魚與伐荻各自有生涯平池散雁鷺繞舍栽桑麻
客至但舉手土釜煎秋茶城中不如汝切莫慕浮夸
夜與子通說蜀道因作長句示之

憶自梁州入劍門關山無處不消魂亞松託宿逢秋
雨小柏經行聽曉猿亞松在成都小柏在三泉閣道當日只
知悲客路歸來終亦老江村吾兒生晚那知此聊對
青燈與細論

村舍

無懷葛天古遺民種畚歸來束澗薪亭長聞名不識
面豈知明府是何人

又

雞鳴犬吠相聞地穴處巢居上古風飽飯不爲明日
慮酣歌便過百年中

又

露草乾時兒牧羊朝日出時女采桑一床絮被千萬

足不解城中有許忙

又

山高正對燒畬火溪近時聞戽水聲破屋已斜猶可
住老牛雖瘠尚能耕

又

莫笑山家拙治生正緣亦足得身輕滿爐葑火渾家
暝一盃松肪徹夜明

又

故絮五更偏覺冷薄糜未午已先飢誰知人不堪憂
處正是降魔奏凱時

又

氣全自可忘憂患心動安能敵死生若論老人真受
用已多稗飯與藜羹

登山西望有懷季長

行年垂九十舉世少輩行敢言貧非病要是老益壯
平時懶書疏有答未始倡張卿獨所敬夙昔推直諒

送子珉山下想見車百兩我徒哭寢門淚盡氣塞亢
送子珉山下想見車百兩我徒哭寢門淚盡氣塞亢
年雖不耄期仕誰不將相神明司禍福于職豈亦曠
霜風九月初憑高極西望江原在何許安得鏜壘嶂

山行

五尺桃榔杖二寸楸欄冠往來山谷中髮白面渥丹
初非乳石力所得懷抱寬入寺不尋僧自愛松風寒
松風晚少靜我意殊未闌却尋歸村路白石明青灘

二樂

遊山恨不遠讀書恨不博天下多名山何處無芒屨
束書飽蠹魚於汝寧不忤日月如過燒老病將何若
眼猶給開卷足尚供尋壑少勞君勿辭是中有真樂

村女

白襦女兒繫青裙東家西家世通婚采桑餉飯無百
步至老何曾識別村

示子適

我初學詩日但欲工藻繪中年始少悟漸若窺宏大
怪奇亦間出如石激湍瀨數仞李杜牆常恨欠領會
元白纔倚門溫李真自鄙正令筆扛鼎亦未造三昧
詩爲六藝一豈用資狡獪晉人謂戲爲狡獪今閩語尙爾汝
果欲學詩工夫在詩外

聞新雁有感

才本無多老更疎功名已負此心初鏡湖夜半聞新
雁自起吹燈讀漢書


又


新雁南來片影孤冷雲深處宿菰蘆不知湘水巴陵
路曾記漁陽上谷無

山村獨酌

腰劍如今不換牛固應萬事一時休孤舟慣作瀟湘
夢駿馬寧思鄠杜遊毀譽要須千載定功名已向隔
生求石帆山下秋風晚買酒看雲自獻醜

喜老懷多感自無歡鹿初離母斑猶淺橘作經霜味
尚酸小酌一卮幽興足豈須落佩與頽冠





劍南詩稿卷第七十八終

中華民國玖壹年拾月拾日贈送

國家圖書館



002452245

